

حزام أمان

الطبعة الأولى

١٤٤٦هـ - ٢٠٢٥م

اسم العمل :	حزام أمان
اسم الكاتب :	عصام أحمد
التدقيق اللغوي :	ياسر عوض
تصميم الغلاف :	محمد علي
الإخراج الداخلي :	عمر أسامة
رقم الإيداع :	٢٠٢٤ / ٣٠٩٧٥
الترقيم الدولي :	٩٧٨-٦٣٣-٨٢٥٤-١٧-٩



شارع ونس - قسم يوسف بيك - الزقازيق - الشرقية - مصر



01020439639



massar.pub1@gmail.com



جميع الحقوق محفوظة، ولا يسمح بإعادة إصدار هذا الكتاب، أو أي جزء منه، ورقياً أو إلكترونياً، سواء بشكل كامل أو جزئي أو عرضه مجاناً عبر أي وسيلة وبأي شكل من الأشكال من دون الحصول على تصريح خطي من دار مسار للنشر.

حزام أمان

عصام أحمد

مَسَا
للنشر والتوزيع

هَلَاكٌ

لكل ضحايا الصدمات؛ من فراق وخيانة وموت
وحوادث مروّعة زلزلت القلوب الحية...
(فلسطين والسودان ولبنان)

في السادسة من صباح يوم السبت دق جرس المنبه المزعج، قام عمر من النوم بعد معاناة وصراع مع نفسه، وبعد أن أخذ بأسباب الصحيان ارتدى زيه الكلاسيكي وأخذ طريق العمل، وأثناء ذهابه تقابله بعض المواقف المستفزة التي تعكر عليه صفو يومه...

- بعد إذنك موقوف السيارات.

- انفضّ يا أستاذ.

- والله يا أستاذ همّ لا يعلمه إلا الله.

- إحكي هون عليك.

- أحدهم ركب معي ولم يدفع غير خمسة جنيهات وتشاجر أيضًا، غلب والله!

- هون عليك؛ الناس فقيرة.

وأثناء نزول عمر أعطى السائق خمسة جنيهات. نظر له السائق نظرة استنكار، وقتها كان عمر قد غرب عن وجهه بسرعة قبل أي جدال! ركب عمر المواصلة التالية لعمله، وتهرب كعادته من لم الأجرة؛ منعًا للصداع والجلبة الحادثة من باقي الحساب، ومع ذلك لم يمكنه الإفلات

- من الصداع.
- الأجرة يا أستاذ.
- اتفضل!
- معاك فكّه أرحم لنا؟
- والله لو معايا كنت دفعته من الأول يا أستاذ الأساتذة.
- حصل خير. متتعصبش صحتك أهم!
- سبني في حالي وركّز في الباقي.
- اتفضل. باقي لك خمسة جنيهات ونص، استنى السائق يحصل على فكّة.
- ربنا يسّر.
- يقف السائق في بَزينه ثم بقاله وبقالة أخرى ليحصل على الباقي.
- ثم بعد طول معاناة تمتلك حقك أخيرا ما لم تتنازل عن جزء منه أحيانا! تصل إلى عملك وقد أنهكت نصف طاقتك. يدخل عمر المكتب داعيا أن لا يستنزف المدير ما تبقى له من طاقة. عشر دقائق والمدير أعطى له مستندات لكي يُنجزها وقال له:
- إبراهيم نزل أجازة وأتمنى تنجز هذا الشغل مكانه؛ فأنت شهم

ومحترم ومعروف عنك إنك خدوم.

أثناء انهماك المدير على عمر بالكلمات المعسولة يشعر عمر بالتصلب وعدم القدرة على الدفاع والرد، وكأنه وقع في المصيدة كعاداته.

- حاضر هحاول يا فندم.

- انجز يا عمر الشركة محتاجة هذا الشغل في أسرع وقت ممكن

واحذر أن تعطلنا!

يدرك عمر أنه قد وقع عليه ضغط زائد كعاداته وأنه قد تم التلاعب به بنجاح. بعد عدد من الساعات وفي نهاية الشغل كانت طاقة عمر الباقية قد استنزفت وبدأ العد التنازل للحرق البطيء للأعصاب الذي سوف يخرج على أهل بيته لاحقاً.

عمر مهندس مدني يعمل في شركة مقاولات خاصة، وكان يتميز بالكفاءة والضمير في العمل، غير أنه أحياناً الكفاءة ليست كل شيء!

مساء يوم السبت كانت إلهام تحضر الغداء لعمر بعد عودته من الشغل، وأثناء إعداداته كان يجول في خاطرها دخول عمر عليها بمزاجه السيئ العصبي؛ فكانت تجتهد في التفكير في شيء يمتص غضبه فلم

تجد غيرَ خَلْقٍ جو رومانسي مع الوجهه التي يجبها (مكرونة بالبشميل وجلاش باللحمة المفرومة)، ثم فجأة دخل عمر وهي تثبت الشموع:

- نورت البيت يا حبيبي.

- شكرا.

- شايقة وشك حزين! ايه اللي مزعلك يا حبيبي؟

- مزاجي غير مناسب للكلام يا إلهام.

- أعصابك يا حبيبي! غير هدومك وأنا مستنيك على الغداء، عملتلك وجبتك المفضلة.

خرج عمر لتناول الغداء عابس الوجه، ولم ينسِ بنت شقة!

- كُلْ يا حبيبي، أعلم أن ضغط الشغل معك مزاجك، بكرة ربنا يكرمك وتفتح مكتب خاص بك وترتاح من التحكمات دي.

- يا رب يا إلهام، يا رب.

بعد برهة رن هاتف عمر أثناء الأكل وكان مديره في الشغل.

- اتفضل يا فندم تحت أمرك.

- أنت مكملتش الشغل المطلوب منك وكنت عايزك تخلص النهارده.

- يافندم ازاي أَخْلَصَه النهارده؟! دا فوق قدرتي!
- متجادلش! عموما إبراهيم هيعمله وأنت تتفضل بتقديم استقالتك بكرة.
- الحمد لله، الله الغني عنك وعن الشركة، جات من عند الله، السلام عليكم.
- أغلق عمر الخط وهو ينظر إلى امرأته نظرة غُلب وانهمام.
- ماذا حدث يا حبيبي؟
- اترفتد تقريبا، جات من عند الله.
- ميهمكش، نبيع الذهب ونعمل مشروع.
- سيبيني في حالي دلوقت يا إلهام الله يرضى عليكي، أنا هنام ويحلها ربنا بكرة، ومتصحنيش من النوم مهما كان إلا الصبح.
- وأثناء انتظاره النوم أخذ يفكر في كيف سيقبل بيع ذهب زوجته، وحتى إن باعه فهو لن يُكمل ثمن المشروع، ما العمل؟! إنني سئمت من كوني موظفا أراعي ضميري وأفصل من عملي ويتم استغلالي من المديرين، أو أعمل بغير ضمير وأفقد أمانتي أمام الله. وأخذ يكرر تفكيره بشكل مبالغ فيه وحرقة حتى غلبه النوم.

وفي صباح اليوم التالي دخلت زوجته لتوقظه من النوم ليذهب إلى عمله فوجده قد تُوفي!

محمود صديق عمر المقرَّب وحافظ أسرارهِ يتلقَّى وهو ذاهب إلى عمله هاتفاً بوفاة رفيق روحه الموظف معه بنفس الشركة فيسقط الهاتف من يده ويتصلَّب فجأة وتُصيبه الصدمة وينظر له الناس باستغراب؛ ماذا دهاك يا هذا؟

- لا حول ولا قوة إلا بالله.

- دا كان كويس امبارح.

- ايه الي حصله امبارح؟

- البقاء لله وحده.

- شِدِّي حِيلِك كلنا لها.

- الشدَّة على الله.

أنهى محمود هاتفه وأخذ طريق العودة إلى منزل عمر بعد أن استأذن من مديره وأخبره بالحادث وأخذ يقول بداخله: (الراجل عديم الإحساس استقبل الخبر بكل برود، غريب جدا والله!!)

ذهب محمود إلى منزل عمر لتهدئة زوجته المنهارة فوجد الجيران مجتمعين لمواساة الزوجة في مصيبتها.

- شدي حيلك أنا مش مستوعب اللي حصل لحد دلوقتي.

ترد الزوجة وسط نحيب.

- كله من المدير الزفت؛ قهره حسبي الله ونعم الوكيل.

ردّد محمود في سره: (الله يرحمك يا صديقي، طول عمرك بتقول نفسي أترك العمل الوظيفي وأعمل حرّاً، مكونتش مرتاح لشغل التحكّيمات، عالعموم ارتحت يا صاحبي من كل الهَمّ).

- كلمتوا المغسّل يا جماعة؟

- أيوه الجيران كلمته.

- هروح أنا أطلع تصريح الدفن لحد ما يتغسّل ويتكفّن.

يخرج محمود مقهوراً وهو يجرّ رجله من شدة الحزن على صاحبه إلى أن خرج لعمل تصريح الدفن.

دُفن عمر وكالعادة يردد الناس بعد الدفنة كلمات أمثال: (اتخطف!)، (مات صغيراً!) (الموت يختار!).

وذهب الناس إلى بيوتهم وكأن شيئاً لم يكن، ولم يستمر تأثير الحزن

على أحد سوى زوجته وصديقه محمود. استمر الحداد على عمر أسبوعين إلى أن خرجت زوجته لتمارس حياتها الطبيعية. هي الدنيا مهما كنت غاليا عندها ، لها فترة ثم تتناثر هباءً!.

كان واضحاً على محمود كرهه للمدير عند عودته للعمل، كأنه يعاتبه على موت صديقه، وكان المدير لا ينبس ببنت شفة مع الموظفين. استمر الحال فتره ثم عادت المياه لمجراها إلى أن وقع في الفخ ضحية جديدة!

محمود شاب ثلاثيني مكافح ينتمي إلى الطبقة الفقيرة التي تضع الجنيه فوق الجنيه لتكوين نفسها، لاقى عناء البحث عن فتاة تناسبه ليكمل معها حياته، وإلى الآن يحاول ولم يحالفه الحظ.

أخذت إلهام تبحث عن عمل بعد موت زوجها لتصرف على نفسها، فلم يقدّر لها الله الإنجاب إلى أن وجدت عملاً في شركة مقاولات. أعدت إلهام نفسها وذهبت لاستلام العمل وكانت المفاجأة؛ فوجئت إلهام عند استلام عملها بوجود محمود صاحب زوجها المتوفى.

- أنت بتشتغل هنا؟!

- أيوه.

- ايه الصدفة دي؟! اتفضلي يا مدام إلهام أو مري؟

- الأمر لله. أنا استلمت عملي هنا كسكرتيرة.

- معقول؟! المكان ازداد شرف والله.
- شكرًا. قولي على مكان عملي الجديد يا أستاذ محمود.
- اتفضلي ده مكتبك.
- استلمت إلهام عملها في نفس الشركة التي يعمل بها صديق زوجها،
وكان يعمل محاسبًا. رن جرس المكتب واستدعى المدير إلهام.
- تحت أمرك يا فندم.
- خدي المستندات دي أرشفيها.
- حاضر يا فندم.
- أخذت إلهام المستندات وأثناء أرشفتها الورق سقطت ورقة من
الملف، ومن قبيل فضولها أخذت تقرأها، وكانت وهي تقرأها تتصبب
عرقًا ووسعت عينيها فجأة من الصدمة وكانت يداها ترتعشان حتى
أغمي عليها وفقدت الوعي!! أفاقت إلهام في صباح اليوم التالي لا
تتذكر شيئًا مما حدث وأخذت تتساءل:
- أين هي؟ وماذا حدث؟
- وكان يجلس بجوارها صديق زوجها وصديقتها زينب والمدير،
وقال لها المدير:

- حمد الله على سلامتك يا أستاذة إلهام.

- الله يسلمك يا فندم.

استغرب محمود من طريقة المدير غير المألوفة في اللطافة، وبرر لنفسه بأن الموقف موقف إنساني يستدعي ذلك فلا بأس.

- ألف سلامة يا أستاذة إلهام.

- الله يسلمك يا أستاذ محمود. متشكرة جدا على وقوفك جنبي.

- لازم تقلقنا عليك كده يا إلهام؟ ألف سلامة يا روجي.

- الله يسلمك يا زينب ويخليكي ليا يارب.

زينب الصديقة الطفولية لإلهام، تحرّجا معاً من كلية التجارة، عملت زينب بالبنك وعملت إلهام بشركة مقاولات إلى أن تزوجت وتركت العمل وتفرغت للبيت. دخل الدكتور وأمر بإلغاء الزيارة حفاظاً على صحة المريضة، وسألت إلهام الدكتور:

- ايه اللي حصلي يا دكتور؟

- جيتي المستشفى فاقدة للوعي نتيجة صدمة عصبية معرفش سببها.

نظرت إليه إلهام مندهشة:

- أنا لا أتذكر شيئاً يا دكتور مما حدث قبل مجيئي إلى المستشفى!

- نعم، حدث فقدان مؤقت للذاكرة وسيعود قريباً لا تقلقي يا مدام.
- أتمنى يا دكتور، متشكرة أوي.
- لا شكر على واجب، لو افكرتني شيء أبلغني الممرضة لكي أساعدك في تجاوز الصدمة إن شاء الله.
- إن شاء الله يا دكتور.

ذهب الدكتور وظلت إلهام تنظر إلى السقف؛ أملاً في أن تتذكر شيئاً لكن بدون جدوى إلى أن نامت، وأثناء النوم أخذت إلهام تهتز وأجهزة العناية يتغير مؤشرها سريعاً ثم يستقر، واستمر الوضع إلى أن أفقت بعد أربع ساعات ثم نادى على صديقتها زينب فهرعت إليها:

- مالك يا حبيبتي؟

- حلمت حلم فظيع!

- حلمتي بايه؟

- اقفلي الباب بعد إذنك؛ لأن ما سأقوله سري ومحرج؛ حلمت أن زوجي تسلل إلى غرفة المدير وفتح الخزانة ليأخذ كمبيالة قدرها مليون جنيه قد كتبها المدير عليه ثم دخل المدير عليه فجأة وضربه بالنار.
- حلم فظيع! هوني عليك لم يحدث شيء، سأطمئن من الدكتور على

موعد خروجك.

- يا ريت أنا مش مرتاحة هنا خالص.

كتب الدكتور لإلهام على خروج بعد أن تعافت، وأعطى لها المدير عشرة أيام إجازة لترّيح أعصابها وتستعيد عافيتها، وبعد أن اطمأنَّ الكل عليها عادت إلى بيتها يُصيبها الحزن، ثم استأذنتها زينب أن تنتظر معها عدة أيام حتى لا تبقى بمفردها في هذه الحالة، فرفضت إلهام قائلة:

- معلش عايزة أصفّي ذهني يا حبيتي من كل اللي حصل لوحدي من غير حد.

تركت لها الحرية بعد عدة محاولات لإقناعها بعد ما قالت:

- لو احتاجتي أي حاجة في أي وقت كلميني.

شكرتها إلهام ثم أغلقت الباب وهرعت إلى غرفتها لتحضّر نفسها لاستشفاء ذهني من كل ما حدث.

عاد المدير إلى البيت مذهولاً مما حدث، وأخذ يفكر فيما سيحدث إذا اكتشفت زوجة عمر السر بينهما، ثم سرّياً استبعد هذه الفكرة وقال: (من المرجّح أن مخ إلهام لن يتذكر شيئاً وإن تذكر فليس لديها دليل على شيء)، ثم فتح خزانة مكتبته ليقرأ العقد بينه وبين زوج إلهام الذي مقدمته المختصرة: (عقد شراكة وملكية)، ثم أغلق العقد من جديد

قائلا: (إذا كُشِفَ هذا الأمر ستُضِيع ثلاثة أرباع ثروتِي ويُدمَّر بيتِي، سَتَرِكْ يا رب).

دخلت زوجة المدير التي تُدعى أُماني عنوة عليه فارتبك قائلا:

- في ايه؟ مش تحبِّي؟

- لا شيء يا حبيبي، ايه اللي موترك كده؟

- أنا كويس بس براجع بعض الأعمال.

- ربنا يعينك يا حبيبي، هخش أنا؛ لأنني الصراحة مرهقة جدا من شغل البيت.

- نص ساعة وهحصلك يا أُماني.

- ماشي يا روجي.

خلدت أُماني إلى النوم والزوج أنفاسه تتراوح بين الهدوء والقلق، ثم حفظ الورق وخلد هو أيضا إلى النوم.

- مالك يا حبيبي، حاسة إنك الفترة دي مش مِتَّزن، للدراجادي أثر فيك موت عمر؟

- طبعا يا حبيبتي، من خيرة الموظفين عندي وأكثرهم خلقا.

- الله يرحمه. أَشْفَقْ على زوجته من بعده.

- أنا لقيت لها عمل كسكرتيرة في الشركة حتى تستطيع أن تنفق على نفسها.

- ربنا يصبرها ويجازيك خير يا حبيبي.

- ربنا يجعله في ميزان حسناتنا يا رب.

ثم غاب أ. راضي في النوم العميق، لا شيء يؤنبه، بعد ثلاث دقائق فقط، بينما ظلت زوجته نصف ساعة من التأهب والتفكير!

بعد عدة أيام حضرت إلهام إلى مكتب المدير، وكان قد امتص الحزن ماء وجهها فدخلت إلى مكتب المدير:

- أشكرك يا فندم على هذه الوظيفة ويا ريت أكون عند حسن ظنك.

- لا شكر على واجب. زوجك كان من أنجب الموظفين وأبهرهم، لدرجة أنني كنت أطلع على كل كبيرة وصغيرة.

انتبه ذهن إلهام لذلك وشكرت المدير:

- تؤمرني بشيء يا فندم؟

- آه عندي اجتماع مع رئيس شركة... (ولم يذكر اسمها).

- شركة إيه يا فندم؟

- شركة بتعامل معنا في تصريف منتجاتنا. متشغليش بالك أنتي،

المهم أعدي لي التقارير بتاعة الشغل وتكون على مكتبي في أسرع وقت.

- حاضر يا فندم.

خرجت إلهام باستغراب وذهنها مليء بالأسئلة: (ما هو السر الذي يخفيه ذلك الرجل؟ على كل سنرى). وأثناء إعداد إلهام التقارير دخل عليها عميل غريب الهيئة كأنه شرطي سيقبض على أحد في الشركة. استقبلته إلهام:

- أوامر يا فندم.

- أريد أن أقابل المدير مستر راضي.

- ليك ميعاد مسبق يا فندم؟

- أنا لا آخذ مواعيد، ادخلي قوليله أستاذ هادي ينتظر بالخارج.

- أستاذ هادي ينتظر بالخارج يا فندم.

- اتحججي بأي حجة؛ قوليله في اجتماع أو معاه مسؤول أو أي شيء

يا إلهام بالله عليكى.

- حاضر يا فندم.

- معاه اجتماع مع مسؤول كبير ويرجو تأجيل الزيارة.

- والله؟ لا بأس، قوليله أنا ذاهب، ولكن أنت الجاني على نفسك لو

وصل خُلقي لآخره.

وبصوت منخفض غير متبهِ قالت:

- تمام... تمام.

ذهب هادي للمحامي الذي يمتلك كل أسرار راضي والمرحوم.

- أهلاً أهلاً هادي بيه.

- أهلاً يا متر.

- رُحلتله المكتب ورفض يقابلني.

- والله طيب جميل أوي. هو اللي جابه لنفسه.

- ممكن نبعثله نسخة من العقد كتهديد ونكتبه عليها لو مرضتش

هنبيّعك اللي وراك والي قدامك.

- هعمل كدا طبعا.

- تمام.

هادي موظف أربعيني كان يعمل لدى أ. راضي قبل أن يحصل بينها

خلاف ويستقيل، وكان على علاقة ودودة بعمر قبل وفاته

أرسل المحامي ظرفاً مقفولاً لمكتب أ. راضي، وبعد أن فتحه وجد

- نسخة من عقد ينص على شراكة "بينه وبين عمر" وتهديد مضمونه:
- لو لم تأت لي ونصل لأي اتفاق سأرسل هذه النسخة لزوجتي عمر وأنت تعلم الباقي.
- دخلت السكرتيرة عليه وهو يتصبب عرقاً ويظهر عليه قلق بالغ وتوتر.
- مالك يا فندم شكلك تعبان أوي؟
- لا شيء. هبقا كويس إن شاء الله، عندك حبوب للمصداق أو مهدئ؟
- حالا يا فندم.
- ابتلع راضي حباية مهدئة قبل أن يتصل بالمحامي ليحدد معه معاد:
- ألو، مفيد بيه.
- دلوقت بقيت بيه؟!
- يا باشا أنت بيه من زمان، خلياني أكلم نفسي!
- الله يكون في العون يا باشا.
- وصلني رسالتك وشايف إننا لازم نقعد ونوصل لحل أنا وأنت وأستاذ هادي.

- وماله هحدد وأبلغك يا مدير.

أثناء المكالمة سمعت السكرتيرة بعض الكلمات التي كان لها أثر على انتباهها واستشار فضولها في التجسس على المكالمة، ثم بعد أن أغلق الخط ارتابت السكرتيرة من أن المدير يُخفي سرا لو كُشف لحطّمه وحطم شركته فاكثفت بانتظار ما يُخفيه القدر!

ذهب راضي لمكتب المحامي ليقابله في المعاد المحدد.

- أ. مفيد جوّه؟

- آه يا فندم منتظر حضرتك.

- شكرا.

- أهلا أهلا بالبج بوس الكبير الي مش معبرنا.

- يا باشا أنت الكبير، العين متعلاش على الحاجب.

- أقعد، تشرب ايه؟

- قهوة مضبوط. مالك يا مفيد بيه شادد حيلك عليا بعد موت عمر؟

- يا باشا مش أنت الي مش راضي تيجي دوغري ومطنشنا!

- أوامرك يا باشا.

- يا راضي بيه أنا مليش أوامر. أنا طرف. راضي أ. هادي وكل واحد يروح لحاله.

- صحيح هو مش المفروض هيكون هنا؟

- آه على وصول. أهو جه!

- أهلا بالحبائب. متجمعين عند النبي إن شاء الله. بس أنا واخد على خطري منك يا راضي بيه.

- يا هادي بيه أنا مقدرش أزعل معاليك. أنت تؤمر.

- - لا ولا حاجة، حقي الموجود في العقد وزيادة عليهم اتنين مليون جنيه عشان أسكت عن حق عمر.

- بس دا كتير يا هادي بيه.

- مش كتير على الي ممكن يحصلك لو مدفعتش ودا مش تهديد أنا بس بوعيك يا باشا.

- بس أنت عارف إن الشركة عليها مديونيات.

- - عارف وعشان كدا هقلك العرض الثاني.

- ايه هو؟

صمت هادي لثواني ثم أعطاه الحل الذي نزل عليه كالصاعقة:

- تدخلني معاك شريك بحصتي وههون عليك دفع المبلغ. لا وكم ان
أنا راجل بزنس مان قديم ودي ليها فلوس لوحدها. بس مش مهم دي
مجاملة مني ليك.

- هفكر وأرد عليك ولو كدا نعمل عقد بالشراكة الجديدة.

- هستناك ثمانية وأربعين ساعة وبعدها اعذرني على ردة فعلي.

- تمام. تمام. هستأذنك أنا يا أ. مفيد.

- نورتنا يا أ. رضي.

- سلام. سلام!!

ذهب راضي وهو يتحسس واقع قدمية من هول ما سمع وما وقع
فيه، وأحس أن الأرض لا تطيق هي الأخرى أن تحمله وتتأمر عليه
فكلم السكرتيرة، وقال لها:

- الغي جميع مواعيدي، سأخذ أجازة أسبوع.

- مالك يا فندم؟ ألف سلامة.

- آه والله تعبان شوية. لو حد سأل عليا قوليله: مسافر، متقليلوش
تعبان وواخذ أجازة!

- أوك يا فندم.

أحست السكرتيرة إلهام بأن في الأمر أمرًا وعزمت أن تعرفه مهما بلغها الأمر. وبعد دوام الشغل قررت في نفسها أن تتسلل إلى المكتب وتفتش عن أي شيء يرضي فضولها المميت، لكن قبل ذلك قررت في نفسها الاتفاق مع IT لإغلاق كاميرات المكتب بعد الشغل كنوع من العطل الفني بدون فصل الكهرباء حتى لا يكشف أمرها. وبدأت بوضع الخطة لكشف المستور!

أخذت إلهام بوضع خطة الاقتحام بدقة وحذر لمدة ثلاثة أيام إلى أن جاءت الليلة الموعودة وكانت قد دفعت للـ IT لفصل الكاميرات وكل شيء أُعد لها. بعد انتهاء موعد الشغل تأخرت إلهام عن العودة للبيت بحجة أنها لا زال في جعبتها أعمال لم تنته بعد وستُعد لخطة الشهر القادم.

ذهب جميع الموظفين بما فيهم المدير وظلت السكرتيرة إلهام، وبعد ساعة من انتهاء موعد العمل دخل الـ IT الذي اتفقت معه إلهام متخفيا حتى لا يراه أحد، وطفق يشوش الكاميرات ويحجبها مؤقتا حتى تنفذ إلهام مهمتها.

أخذت إلهام تبحث في كل مكان في المكتب لكنها لم تحصل على شيء

يرضي فضولها حتى خطر على بالها خزنة الشركة وقالت لنفسها: كل شيء أنا عايزاه أكيد هنا أنا متأكدة!

أخذتها الحيرة الجاحمة في كيفية الحصول على باسورد الخزنة حتى طرأ عليها فكرة شيطانية من قبيل "الغاية تبرر الوسيلة"، ورتبت كل شيء كما كان وقفلت المكتب وشكرت الـ IT وعادت إلى البيت مشوشة الذهن تكلم نفسها كثيرا:

- طب دا ينفع يا إلهام؟ هعمل ايه؟ الأمر خطير ولا بد من كشف السر بأي ثمن، أنت حاسة بايه؟ حاسة بمؤامرة اتعملت على عمر الله يرحمه، خيالك واسع أوي، مش مشكلة، بس أنا بصدق في إحساسي وهنشوف يا إلهام!

أخذت إلهام تغير ملابسها التي أصابها الإحباط من فرط التعرق والتوتر، وبعد حمام ساخن أخذت تتأمل سقف حجرة النوم سارحة بخيالها إلى أن خطفها النوم المؤرق؛ حيث أكملت خيالاتها في الحلم؛ رأت إلهام فيما يرى النائم تودد مدير الشغل لها وتميزها على جميع الموظفين في التعامل، وبرغم مقاومتها له إلا أن شيئا ما بداخلها كان يدفعها لقبول الفكرة ولا تدري لماذا؟!!

لكن مقاومتها للهروب من الواقع جعلت الحلم يقف عند هذا الحد

وأفاقت سريعا لتكتشف أن معاد الشغل فات بنصف ساعة.

أخذت تهرول سريعا حتى لا تتأخر أكثر، لبست ما جاء أمامها وضحت وأخذت أوبر، ووصلت الشغل متأخرة ساعة ونصف وتذكرت أن المدير أخذ أسبوعا إجازة فاطمأنت. لكنها اندهشت حينما قالوا لها:

-المدير مستنيكي جوه.

فتحت إلهام باب مكتب المدير بخجل وتردد، وبعدما دخلت قالت:

- معلش يا فندم راحت عليا نومه.

- عارف عارف ولا يهمك، عاذرك، المهم عندنا ايه النهارده؟

- مفيش مواعيد النهارده يا فندم.

- طب كويس، شكرا يا إلهام.

اندهشت إلهام من عدم توبيخ المدير لها ومعاملتها برفق مبالغ فيه رغم أنه شديد ولا يسمح بالتجاوز! ذهبت إلهام لتكمل شغلها، ثم اتصل راضي بأستاذ هادي ليبلغه أنه موافق على شرطه، وأبلغه أن يأتي غدا لمكتبه، ثم نادى على إلهام يُبلغها معاداً. هادي غدا:

- في صديق مهم يا إلهام سيأتي غدا على الحادية عشرة صباحا لا

تجعليه ينتظر.

- أوامرك يا فندم.

- ذهبتي ولا زال الشك يتخلل أعصابها وكادت دماغها أن تنفجر
وقالت لنفسه:

- الموضوع دا أنا مش هسكت عليه هكشفه في أسرع وقت.

واستعدت كي تتنازل عن مبادئها قبل مرور الأربعين على وفاة
زوجها!

بعد عناء التفكير الذي أصاب إلهام كل هذه المدة قررت أن تقتل
فضولها بقتل ضميرها والتسلسل إلى قلب أ. راضي، وبعدما انتهى يوم
العمل شرعت في التنفيذ؛ قررت أن ترسل رسالة إلى أ. راضي بدعوى
أنها مريضة وتريد أن تأخذ إجازة غدا، وكان مضمونها: سيادة المدير
تعرف اهتمامي بشغلي وسعيي ألا أقصر فيه لكن بعد انتهاء الدوام اليوم
شعرت بدوخة وأحتاج إلى إجازة غدا وأعرف أنك ستفهم موقفني
ولك جزيل الشكر.

رد المدير على الرسالة فورا وكأنه كان يقفل كل الإشعارات من كل
الناس عدا هي:

- طمنيني عليك يا إلهام، قلقتيني، أجبلك دكتور وأجي؟
- لا يا فندم، برشام مسكن والدنيا هتبقا تمام.
- لو عايزة تاخدي بعده كمان معنديش مانع المهم راحتك عندي.
- منحرمش من طبتك يا فندم شكرا.
- على العموم هرنّ عليك بكرة، برده أطمّن عليك.
- متتعيش نفسك يا فندم أنا هطمنك، والله أنا عارفة إن مشاغلك كثير.

- ولو مش هنشغل عنك، أقصد صحتك أهم عشان شغلنا.
- تمام يا فندم. متشكرة تاني.

وبعد المحادثة ابتسمت إلهام ابتسامة متلعبة وكأنها فازت باللعبة ووثقت أن كل شيء سيسير كما تريد، ثم قامت تحضر ألبوم صورها هي وعمر كي تستعيد الذكرى وتعتذر منه على ما تنوي فعله. وأثناء تقليبها في الألبوم شعرت ببرد وقشعريرة ولم تستطع أن تكمل فأغلقت الألبوم ونامت وهي تحتضنه ودموعها تتساقط من على خدها عليه.

وقعد الأستاذ راضي يفكر أنه قد أوشك أن يوقع الحمل في المصيدة. لكن ما عكر تفكيره أنه تذكر مواعده غدا مع أ. هادي وعقد الشراكة

الجديد الذي سيقرب كل شيء رأساً على عقب.

أخذ الأرق وشرب السجائر طوال الليل ولم يستطع النوم غير ساعتين تقريباً إلى أن جاءت الفكرة الجهنمية المكيمة التي جعلت الأدرينالين ينخفض إلى أدنى مستوى له. هداً ثم قال:

-الصباح رباح ونام الساعات المتبقية!

في صباح اليوم التالي حضر الأستاذ راضي أوراق الشراكة الجديدة وهو مبتسم وكأن شيئاً لم يكن الأيام الماضية. متفائل منطلق. يُراود وجهه الضحكة المليئة بالمكر والدهاء، وصل الشركة الساعة الثانية عشرة بعد ساعة من موعد أ. هادي وهو ينتظره في غرفة الاجتماعات.

- أهلاً أهلاً هادي بيه.

- أهلاً. ايه التأخير دا كله؟

- معلى. معلى. كل شيء بأوانه.

- لعله خير، أخبار العقود ايه؟

- جاهزة وكله تمام.

- أخذ أستاذ هادي يقرأ العقد الذي من ضمن نصوصه: أن حصته

تبلغ ٣٠٪ مقابل ٧٠٪ لراضي.

- ايه دا يا راضي بيه؟! مش المفروض ٤٠ مقابل ٦٠ ليك العشرة دي ليه إن شاء الله؟ ضرايب ولا ايه؟

- يا هادي بيه أنت هتخش بـ ٣٠٪ والعشرة دي أنت ليك عندي فلوس، مآ أنا هديك جزء من فلوسك دي مقابل العشرة في المية دي الي هو مليون نص. مش أفضل برده ولو حابب تدخّله في الشراكة يبقى خير وبركة.

- طب ولي كل دا؟ متخليها ٤٠٪ ويبقا الفلوس الي ليا عندك كلها ليك ومكسبي دا وأنت هتستفيد برده.

- لا معلش أنت طلبت عقد شراكة وأنا وافقت متشرّطش تاني بقا وإلا يبقى كدا استغلال.

ابتسم أ. هادي وكأنه يريد أن يقول: (استغلال؟ دا أنت تاكل مال النبي).

- موافق يا راضي بيه لما نشوف آخرتها في الحكاية دي.

- آخرتها عنب إن شاء الله، امضي وتوكل على الله ونقرأ الفاتحة.

- تمام، الفاتحة.

مضي أ. هادي العقد واستأذن أ. راضي ليذهب، ولم يعرض عليه الجلوس معه ولو لدقائق بعد ما مضى العقد.

- اتفضل يا غالي أنا عارف إن مشاغلك كثير، ابقا عدّي علينا كل أسبوع كدا نراجع الدنيا عشان برده دا حقك.

- ههههه لا ما أنا مش هعدي بس، أنت تكلمي المدير الإداري يعمل مكتب هنا؛ لأنني همسك معاك هنا.

- فاجئني بذا، بس غالي والطلب رخيص.

- أُمّال أنت مفكر هسيب مالي مديروش معاك؟ آه المركب الي برّيسين تغرق، بس دا كان زمان، دلوقت المركب الي برّيس واحد برده بتغرق!

- ولا يهمك، أهو تشيل عني برده وتمسك إدارة المشروعات.

- تمام يا أ. راضي، رجاء على آخر الأسبوع تكلمني تقولي إن كل شيء جاهز عشان آجي أباشر عملي.

- يا إذن الله يا هادي بيه.

ذهب هادي وأ. راضي يضرب كفا على كف، لكن في نفس الوقت لم يتدمر طويلا وقال: هي مفاجأة بس المفاجأة الي محضّر هاله أكبر من

اللي حَضَرْتها لصحابنا الله يرحمه؛ عشان يفكّر ميت مرة قبل ما يساومني أنا راضي باشا.

نادَى أ. راضي على السكرتيرة وحينما لم تُجِب تذكر أنها أخذت إجازة بسبب أنها مريضة فقرر أن يطمئن عليها.

- ازيك يا أ. إلهام، يارب تكوني بخير.

- أهو يافندم نحمد الله تعبانه شوية.

- شِدِّي حيلك الشغل ميشتغلش غير بيكي.

- إن شاء الله يافندم خدت مسكّن أنا كنت فين وبقيت فين.

- المهم أنا أعايزك لما تفوقني كدا على بالليل ولا حاجة تدوريلي في مكتب عمر عن أي أوراق تخص الشركة.

- شغل ايه يا فندم؟

- دا حاجات مش هتفهميها يا إلهام، حاجات كانت بيني وبينه.

- حاضر يافندم، أي ورقة هنا ليها علاقة بشغله في الشركة هجبها لحضرتك.

- تمام يا إلهام وأنا واثق فيك.

أخذ مخ إلهام يحدث له تشوش وذاكرتها بين تذكر الورقة التي

وقعت من الملف وبين النسيان! لكن تفكرها أكد لها أنه كان هناك مؤامرة على زوجها، فبرغم انزعاجها وإحساسها بظلم زوجها أحست بالدوبامين يتخلل خلايا مخها شعوراً ببعض النشوة. فقد أعطاه المدير فرصة لتكشف الحقيقة. ووسط ذلك احتار عقلها متسائلاً: لماذا أشعر أن المدير يريد قاصداً أن يكشف لي هو الحقيقة ولا يأخذ حذره مني وكأنه متعمد أن يوظفني لهذا الغرض؟ وأيضا أن يجعلني أبحث عن أوراق خاصة بهم!! ما الذي كان يخفيه عمر عني؟ ولم غابت عني فكرة أن أفتش في مكتب عمر رغم كل فضولي هذا؟ من الممكن أن حادثي جعل مخي لا يركز على شيء يخص عمر.

ما هذه الخيالات الكثيرة والهلاوس التي جاءت تقفز لعقلي كل ساعة؟ هل من الممكن أن خوفي الشديد جعلني أتجنب الدخول لمكتب عمر منذ موته؟ أشعر أنني أصابني مرض نفسي بعد وفاة عمر خلق عندي كل هذه الأحاسيس المختلفة التي لا أفهمها البتة.

قررت إلهام أن تتابع مع أخصائية نفسية حتى تستريح من كل هذه الوسواس، وأجّلت دخول غرفة عمر وزودت خوفها بتجنبها لهذا الخوف، وقالت: سأقول للمدير إنني لم أجِد شيئاً حتى تهدأ نفسي وأستطيع الدخول لغرفة عمر.

وفجأة وهي وسط هذا التفكير رنَّ جرس الباب وإذا بصديقتها

زينب تقول لها بخوف:

- شفتي اللي حصل؟! -

أخذت إلهام تنظر لزينب تترقب منها أن تُجيبها عن مصدر خوفها وزينب لا تستطيع أن تنطق من مقدار صدمتها وحالة الإنكار التي تعيشها.

- بالله عليك يا زينب أنا فيا اللي مكفيني، جاوبيني الله يكرمك في ايه؟

- البنك عندي جاله وديعة كبيرة لشركة أستاذ راضي من أستاذ هادي.

- وأنت عرفتي ازاي؟

- مالك يا إلهام!! ما أنا كنت مساعد مدير وحاليا بقيت مديرة الفرع الرئيسي.

- دا معناه ايه؟

- ايه يا سيادة المحاسبة؟ معناه حاجة من اتنين؛ يا إما داخل استثمار مع الشركة يا إما شراكة مع أ. راضي.

- هو المبلغ كبير كدا؟
- مليون ونص.
- مليون ونص مش كثير أوي يعني ممكن بيستثمرهم معاه.
- أو دا اللي ظاهر. على العموم الله أعلم. الموضوع دا مش مطمئني أبدا.
- صحيح أستاذ راضي وأستاذ هادي مش على وفاق أبدا، ازاي يخشوا في أي شغل مع بعض؟
- المصالح يا أختي.
- صحيح. ربنا يستر، بس أنتِ عرفتني منين إني أجازة النهارده؟
- رنيت عليك في الشغل قبل ماجي عشان أقولك. رد عليا الاستقبال وقالي: إنك في أجازة؛ فقلت آجي البيت أطمئن عليك وبالمرة أقولك الخبر.
- والله هي أجازة كدا وكدا؛ لأنني بجد مشتتة وحاسة إن أفكار كثير ارتيابية بتتنطط في دماغِي.
- أفكار! أفكار زي إيه؟
- زي إن المدير دا مخبي حاجة، وكان ليه علاقة بموت عمر.

- ليه كذا الخيال دا؟
- لأن مقلتلكيش صحيح؛ قبل وفاة عمر بساعات كلم المدير دا، وكان بعدها مخنوق وشاكيلي من المدير دا.
- قالك ايه؟
- قاله: إنه رفده، وأنا فكّرت شدّة معاه كالعادة وهتروح لحالها، عشان كذا قُلتله متضغطش نفسك والذهب موجود، آه لحد ميلاتي شغل جديد.
- يا لهوي!! اترفد ازاي؟ دا شغال معاه بقاله ١٥ سنة وتقريبا، بقا مدير المشاريع في الشركة.
- أهو دا الي فاكراه، ومن هول الأحداث نسيت أحكيك دا.
- غير إني كمان حاسة بما إني سكرتيرته بأشياء مريبة في الشركة.
- ازاي بس؟
- أنت عارفة إن مرتبات الشركة بتتحول عندنا.
- أكيد.
- أهو مرتب جوزك دا بقا كان دُونن عن الي في نفس مستواه كان كبير جدا، وكان موصيني مقولكيش.

- كبير ازاي يعني؟!

- كبير يعني الي زيه بياخد ثلاثين ألف جنيه، هو بياخد ميه وخمسين ألف شهر يا، وأنا سكت مقولتلكيش عشان مآكنش مخليكي محتاجة حاجة.

- يالهوي وماكنش قايلي ليه؟!!

- ما أنا كنت مستغربة جدا وخمنت إن هو بيستثمر جزء من مرتبة معاه طول السنين دي.

- وارد جدا فعلا. كدا الدنيا بدأت تبان حبة؛ إن عمر الله يرحمه والمدير دا كان بينهم حاجات مشتركة.

- وأنت هتعملي ايه؟

- هعمل ايه؟ دا أنا هعمل عمال. أنا كنت ناوية أفتش في مكتب عمر بس من بعد موته وأنا خايفة أخش مكتبه مش عارفة ليه؟
غير إن أستاذ راضي طلب مني أشوف أوراق كمان خاصة بالشركة عنده.

- امم، لا يا إلهام لو مش قادرة تخشي أخش أشوف أنا.

- لا بالله عليك يا زينب أجلي الموضوع دا أنا هقوله ملقتش

وخلص.

- أنا عارفة نحك، زي ماتحي. على العموم هحجزلك بكرة عند أخصائية نفسية؛ لأنك محتاجة بعد كتر الصدمات دي تتعالجي بصراحة.

- وماله، يبقى أكثر خيرك يا حبيتي.

- هقوم أنا عشان أنا ساينة شغلي ساعة عشان أشوفك وبالليل هطمّن عليك.

- تمام وأنا هقوم أكلم المدير وأقوله ملقتش حاجة يا فندم عشان يطمّن.

قعدت إلهام تتصفح السوشيل وتتفرج على التلفزيون في غير شغف إلى أن جاء الليل وهمت وقتها لتصل بالأستاذ راضي كي تخبره بأدعائها:

- أهلا إلهام، هالقيتي حاجة؟

- لا يا فندم مفيش شيء مهم رسومات بس، لكن لا مناقصات ولا مستخلصات.

- اعمم غريبة، أمال... تمام يا إلهام، المهم أنت بقيتي كويسة؟

- الحمد لله يا فندم بكرة هكون في الشغل في ميعادي بإذن الله.

- آه عشان أطلعك على المفاجأة الجديدة في الشغل.

- مفاجأة ايه؟

- بكرة أقولك. سلام.

- سلام.

انتهت المكالمة وإلهام توقعت المفاجأة بربط المعلومات التي أعطتها لها زينب بحديثها قالت لنفسها: أستاذ هادي، يا ترى الأيام مخبيالك ايه يا إلهام؟ استر يارب!

في صباح اليوم التالي ذهبت إلهام إلى عملها، دخلت إلى مكتب المدير أول ما حضرت، وكان بانتظارها بشغف.

- أهلا إلهام تفضلي.

- أهلا يا فندم أخبار حضرتك؟

- بخير الحمد لله وأنت؟

- تمام والله، ايه المفاجأة اللي حضرتك كنت قايلي عليها؟

- عيّنت مدير مشروعات جديد، يخفف عني الشغل ويديره بشكل أفضل؛ لأن الإنتاجية قلّت الأيام اللي فاتت.

- والله! طب خير الحمد لله يارب يكون فتحة خير للشغل والدنيا

تُظبط بقا.

- المهم شدي همتك معانا وعايِزُه يبقا مبسوط منك أوي.

- متقلقش يا فندم أنا في الخدمة.

- دا العشم يا لولو. قصدي يا أستاذة إلهام.

أحست إلهام بخجل ثم قالت:

- أستاذذك يا فندم هشوف شعلي.

- اتفضلي إذنك معاكي.

خرجت إلهام وقد تذكرت أن تتصل على صديقتها زينب لتسألها على
حجز الأخصائية النفسية.

- ازيك يا زينب، ايه أخبار حجز الأخصائية اللي قولتيلي عليه
إمبارح.

- كنت لسه هتّصل عليك يا لول والله، حجزتلك آه على بعد
المغرب على ماتكوني رَوّحتي واتغدّيتي، وأعدّي عليك نروح سوا.

- شكرا يا حبيبتى مَنحرمش منك هستناكي.

- ولا يهملك احنا إخوان.

- أغلقت إلهام الخط وفجأة رن جرس مكتب مدير المشروعات
فشعرت بالتوتر قليلا وأعدت نفسها لكي تذهب له.
- أهلا يا فندم نورث مكتبك الجديد. تحت أمرك.
- اتفضلي يا إلهام. عايز أسألك عن كام حاجة كدا؛ أنت عارفة إن
محمود كان شغال مكاني هنا مدير مشروعات؟
- أنا أعرف إنه اترقى آخر سنة وقال: همسك مدير مشروع، لكن
معرفش إنه مدير مشروعات.
- لا كان مدير المشروعات كلها.
- ازاى بس؟ دا كان دايمًا بيشتكي إن المدير بيضغط عليه في الشغل
وبيكلفه بمهام مش بتاعته.
- مهو الي متعرفهوش إن كان بينهم أسرار أنا نفسي معرفهاش.
- أمال لا مؤاخذه يعني يفندم عرفت كل دا منين؟
- ثقي فيا يا إلهام وبلاش أسئلة هتضرك حاليا أكثر ماتنفحك، كل
الي عايزك تتأكدي منه وتتعاملي على أساسه إن مكانه عمر في الشركة
كانت كبيرة قبل مايموت غير الي كان ظاهر!
- شعرت إلهام بالتوتر وقالت:

- والله أنا احترت أكثر يا فندم، بس طبعا هشق في حضرتك، تؤمرني بأي شيء؟

- لا، اتفضلي دلوقت ولما أحتاجك هقولك.

خرجت إلهام بوجه يملؤه الحيرة والفضول وأكثر، وتذكرت أنها ذاهبة إلى أخصائية نفسية اليوم فارتاح عقلها قليلا!
أحس أ. هادي بالانتشاء وقال بصوت مسموع:

- ها قد بدأ موسم الخريف يا راضي بيه وأوراقك هتسقط ورقة ورقة اصبر بس.

بعدعناء يوم من أشد الأيام على إلهام لإحساسها أن أوراق اللعب تُكشف ورقة ورقة ذهبت للمنزل وأعدت نفسها وانتظرت صديقتها زينب كي تأتي لتذهب معها. انتظرت إلهام صديقتها زينب ولم تأت في الموعد فاضطرت أن تتصل بها:

- ايه يا زينب كل دا؟ إنت عارفة إني بكره الانتظار.

- معلش. كنت لسه هرن. حصل حاجة في الشغل هحكيلك عليها بعدين، خدي العنوان أهو وروحي أنت. اِكتبي: طنطا - ٧ شارع فلوكة، قصاد مستشفى الأمريكان، العمارة الي فيها كافية، الدور الثاني.

- تمام يا حبيتي هروح وأرجع أكلمك بالليل.

أغلقت الخط وعقل إلهام ازداد حيرة؛ لأن صديقتها كانت هتشجعها على هذا المشوار، الآن مضطرة أن تخوض الحرب الداخلية وحدها، وما ساعدها هو فضولها لتكشف كل ما هي ستلاقيه ولكن بنفس هادئة.

ذهبت إلهام في الموعد وأثناء دخولها اكتشفت أن الأخصائية تقول لها:

-اتفصلي.

ثم أكملت:

- إلهام زوجة عمر الله يرحمه مدير المشروعات في شركة أ. راضي وموظفة حالياً في نفس الشركة.

جلست إلهام في الكرسي المقابل للأخصائية النفسية التي تُدعى فاطمة وأخذت نفسها وقالت:

- حضرتك عرفتيني منين؟ معلش أهلا بحضرتك الأول.

- هفهمك كل حاجة بس تشربي قهوة معايا.

- وماله ميضرش كتر خيرك.

- احكي لي بقا مالك؟ وهقولك عرفاك منين آخر الجلسة. ها هتبدئي

من قَبْلُ الوفاة ولا بعد الوفاة والأسئلة الكثير الي حولين شغل عمر؟
فضّلت إلهام أن تبدأ حكايتها ما قبل وفاة عمر؛ كي تفرغ المخزون
الممتلئ سنين وترتاح.

- والله يا دكتور مش عارفة أبدأ منين بس قبل وفاة عمر بسنة اتغير
أوي عن قبل كدا فجأة كأنه هو مش هو!

- معاكي كملي.

- يعني حسيت إنه كان طول السنين قبل السنة دي عايش مكبوت
أو بشخصية غير شخصيته، وفجأة أصابته الصحوه وقرر أن يتمرد
لدرجة إن في حاجات بتفرق معاه جدًا مكتش بتفرق معاه نهائي.

- زي ايه كدا؟

- زي إنه كان ينفوّت حاجات كتير لّيّا وبقا ييقف على الكلمة،
لدرجة إنه بيركز بين السطور مش عارفة جاب الحساسية دي منين؟

- اممم... كملي؟

- يعني في مرة كان راجع من الشغل مش باين عليه أي عصبية
ولا غضب؛ هادي خالص، جيت أسأله: هتاكل ايه؟ قال: من امتي
بتسأليني آكل ايه؟ ايه الحنان دا كله؟ وأكّنه مصدق إني بغير طريقي

وإنها كانت غلط قبل كذا!

- هو ماكُنش متعود منك على كذا؟

- آه الصراحة. هو ماكُنش بيطلب حاجة كنت بعملها له كان بيوافق عليها، عمره مَآ قال لأ على عمايلي، هسأل ليه أنا بقا؟ وفجأة مسك في الكلمة زي ماقلت لحضرتك كذا، وقيس على كذا؛ كل حاجة كنت بحاول أعدّها من نفسي عشان العلاقة تقرب أكثر.

- آه، يمكن حس بينه وبين نفسه إنه متهاون في حق نفسه.

- آه فعلا حسيت بكدا. بس دا جه فجأة، إزاي كذا يا دكتورة؟

- تعرّض المرء لضغوط واستغلال من الي حواليه بيخليه يغير الطريقة الي بيتعامل بيها مع الكل بالمعني الدارج "الي اتلسع من الشربة ينفخ في الزبادي".

- تصدقي فعلا يا دكتورة، بقا صعب آخر فترة حتى ماكُنش مركّز في شغله، وقبل موته بيوم اتخانق مع المدير مع إنه كان دايبا حلو معاه فاستغربت بيني وبين نفسي، لحد ماحصل الي حصل وتوفي، وبعدها زاد قلقي أكثر من كم الأسرار الي حسّيت إنه مخيبها وأنا مفكرة إني أعرف عنه كل حاجة.

- آه، يعني خيالك جايب ايه مثلا؟

- أنا شغالة سكرتيرة حاليا في شركة المقاولات اللي كان شغال فيها، وحاسة إن المدير دا كان بينه وبينه حاجة، دا حتى سألني إن أحش أشوف الأوضة فيها مستندات خاصة بالشركة ولا لأ، وأنا من توتري مدخلتش واضطريت أكذب، غير إن صحبتي زينب بتقول إن كان بيتحوّله مرتب غير أي مرتبات الموظفين في الشركة؛ مرتب كبير يعني، وقالها دا سر بينهم وهي مقالتليش؛ لأنه فعلا ماكُنش مخلينا محتاجين حاجة.

- اम्म... معاكي جدا. بس عشان توترك وقلقك دا يروح يا إلهام لازم تواجهي خوفك من دخول المكتب وإن كنت مدركة إن دا صعب في الوقت الحالي بس مع كل يوم لما الدنيا تتضح في دماغك هتقدري تواجهي أكثر؛ لأن الفضول وقتها هيقتلك ومش هيسيبك متدخلش المكتب، غير إن جلدك لذاتك وحتّة إن في حاجة ممكن تكون سبب في موت عمر وأنت ساكتة عنها مش هيخليك تنامي فهتخشي، متقلقش من دي.

- والله يا دكتورة أنا في دوامة من قبل موته، وبعد موته بقيت مش عارفة أعيش حياتي بشكل سوي زي الأول.

- هقولك على سر بما إن عمر مات، عمر كان بيتعالج عندي هنا وقال حاجات كتير زي اللي بتقولها بس ماقليش حتة المكتب والسر

وعلاقته بالمدير دي!

- ياااه دا ايه الصدفة الي في الأفلام دي؟ بس كويس كدا يبقا هتفهميني يا دكتور وحتعرفي تساعدينني.

- أكيد طبعا. بس عايز أقولك أحسن حاجة حصلت الفترة الي فاتت إنك نزلتي تشتغلي بدل ماتبقي منعزله ويزيد اكتئابك، لا وكم إن في المكان الي كان مدياق زوجك بحيث عقلك مايقاش حاسس إنه ضحية ومش عارف يواجهه فهي جات بترتيب القدر حاولي تستغليها بشكل إيجابي!

- فعلا والله يا دكتور فكّرت بنفس الطريقة وععمل كدا بالفعل؛ لأن حاسة المدير دا سبب قهرته وهّمّه في الحياة، وكم إن بيتودّدي البجح كمان ومش عارفة عايز يوصل لايه؟ فقلت أصبر على الظلم والأعبه بنفس لعبته القدرة بس من غير ماتلوّث!

- بس إياك لو اكتشفتني حاجة تنقمني يا إلهام، الانتقام بيئذي صحبه زي ما بيئذي الجاني.

- عارفة يا دكتور، مش تربيتي ولا أخلاقي بس لازم أوصل للحقيقة ووقتها يحلّها ألف حلال والعدل يطبق!

- ربنا يهون عليك يا رب ومتقلقيش أنتِ قدّها وقدود يا إلهام وأنا

معاك وهساعدك تنوري طريقك بنفسك.

- ربنا يكرمك يا دكتور يارب.

- شكرا سلام عليكم.

- وعلیکم السلام!

عادت إلهام للمنزل بعد جلسة الأخصائية النفسية وتذكرت زينب
فهمت بالاتصال عليها:

- زينب ازيك. طمني قلقتيني.

- رُحتي للأخصائية الحمد لله؟

- الحمد لله ارتحت شوية وحسيت إن القلق قل.

- الحمد لله. معلىش لومجتش معاك اعذريني حصل حركة على
حسابات الشركة بتاعتكو غير طبيعية؛ تحول من برّه البلد مبلغ بما
يعادل ٣٠ مليون جنيه فاضطر المدير أن يقعدني كنوع من ضبط الأوراق.

وطبعاً قالت لها ذلك خداعاً ونوعاً من التلاعب بعقلها وكي تزيد
أرباكاً وخوفاً!

- تحسي إن الشركة دي ليها نشاط خفي غير المقاولات.

- الله أعلم بس الحوالة جاية من شركة مقاولات برده باسم تطوير جروب.

- اممم!! الفار دخل في عبي. دا ممكن يكون فرع من الباطن برّه البلد.

- وارد جدا ودا هيحفزك الفترة الجاية إنك تجيبي كل اللي عند المدير دا.

- على الله، أنا فعلا اتحمست وقلقت تاني، منك لله ضيعتي مفعول الجلسة

- ههههه، أنت باللمس ولا ايه يا إلهام؟

- والله يا أختي الأيام دي أقل من اللمس وحياتك. خير أسيبك دلوقت أرتاح.

- تمام سلام يا حبيبة أختك.

بعد المكالمة تشجعت إلهام لكي تدخل أوضة زوجها. وما إن وصلت للبواب حتى ترددت ولم تستطع إدارة الأكرة فسوّفت للمرة الثانية، وأعدت نفسها لتسترخي بحمام دافئ، وبعد خروجها وجدت أن مديرها أ. راضي رن عليها مرتين؛ فأعدت نفسها نفسياً واتصلت عليه:

- أهلا يا فندم. معلى مكنش جنب الموبيل. اتفضل.
- مفيش يا فندم بقا خلي برّه الشغل من غير رسميات.
- ولا يهملك يا راضي. المهم قولي أخبار الشغل ايه؟
- ههههه. المفروض أنا اللي أسألك السؤال دا يا إلهام.
- صح. مفيش جديد غير إن أ. هادي طلبني ورحته.
- قالك ايه؟
- لا مقالش حاجة أكثر من إنه بيعرفني على نفسه، وقالي إن عمر الله يرحمه كان عزيز عليه.
- اممم. عزيز عليه، آه تمام يا إلهام تعرفي أنا عيتك هنا ليه؛ لأن برده عمر كان عزيز فعلا على قلبي، كان موظف مثالي.
- أشكرك يا فندم قصدي يا راضي، شهادة أعتز بيها، ويا رب أقدر أكون نفس كفاءة عمر.
- لا أنا متأكد إنك هتكوني أفضل كمان. أسيبك أنا عشان مراقي هتاخذ بالها وهي غبورة جدا.
- تمام يا راضي اتفضل.
- أحست إلهام وتأكدت بأن زوجها كان جزءًا من لعبة صاحب

الشركة ومدير مشروعاتها، وقالت في نفسها:

- أنا متأكدة بمجرد ما فتحت هذا الباب سينكشف كل ما أريد، لكنني سأؤجل مواجهة خوفي حتى أستطيع، وأدينا بنتسلي باللعب الممتع دا، أهو يخفف عليا شوية.

سَهر أ. راضي يفكر فيما لو عرفت إلهام السر الذي بينه وبين هادي مدير المشروعات، وإنه من الممكن إن في يوم إلهام تمتلك جزء من الشركة؛ خراب، ثم رجع بتفكيره خطوة للوراء، أولاً أخطط كي أخلص من هادي، ثم أمر إلهام سهل، فهي لو تعرف شيء إلى الآن لما صممت، المشكلة في هذا الثعلب الذي يعرف عني كل شيء!

صباح اليوم التالي أعد أستاذ راضي نفسه لمدير مشروعاته الذي انقض عليه كالثعلب المكار، وأثناء شربه لقهوته الصباحية جاءته فكرة شديدة الدهاء؛ وهي أن يجعل أ. هادي مختلساً أو أضعف الإيمان مستهترا ومقصرا وضيع أموال الشركة. وقتما هبّت هذه الفكرة المجنونة إلى عقله قفز للذهاب إلى الشركة بسرعة، وحينما وصل وجد إلهام منغمسة في الشغل كأنها آتية مبكرا فساءها:

- ايه المهمة دي كلها يا أ. إلهام؟

- بعض ما عندكم يا فندم.

- ايه أخبار الشغل النهارده.
- مفيش جديد والله.
- طب بلّغي المدير المالي إني عايزه ضروري.
- حاضر يا فندم، بس خير؟
- جرا ايه يا إلهام، مش كل حاجة لازم تعرفيها.
- معذرة يا فندم، تحت أمرك في الحال، حاضر.
- ذهبت إلهام لتستدعي المدير المالي الذي كان يُدعى أ. أمين.
- أستاذ أمين، بعد إذن حضرتك أ. راضي عايزك في مكتبه.
- مقلّكيش ليه؟
- لا والله يا فندم.
- طيب يا إلهام. هخلّص حاجة واروحه.
- تمام يا فندم.
- بعد ما خرجت إلهام توترت أ. أمين وأحس بقلق داخلي ولم يعرف سببه؛ فلذلك سارع بمواجهة ذاك القلق قبل أن يهيج قولونه!
- فذهب إلى المكتب سريعا:

- أ. راضي تحت أمر حضرتك، السكرتيرة أ. إلهام قالتلي إنك عايزني ضروري.

- أيوه يا أمين عايز كشف بكل تفصييلة في الشركة السنّادي؛ رأسمال المشاريع والمصاريف والمناقصات والمكسب والخسارة وكل حاجة.

- بس احنا لسه مكملناش ٦ شهور من بداية السنة يا فندم، و حضرتك كنت مضطلع على كل حاجة حتى لحد النهارده عارف كل صغيرة وكبيرة في الشركة.

- في ايه يا أمين؟ هتناقشني؟ نفذ.

- فوراً يا فندم، بكرة أو بعده بالكثير يكون على مكتب حضرتك.
- متتأخرش يا أمين بس. خلّصه بسرعه وهصرفلك حافز حلو عليه.

- حاضر والله يا فندم.

خرج أ. أمين يضرب كفا على كف ومندهش يقول في نفسه: يالهي!!
ايه أهمية الكشف في الوقت دا من السنة مع إنه شافُه من مايكملش كام شهر؟ لا وكمّان هيصرفلي حافز عليه، شكل الموضوع فيه إنّ، على كلّ سنرى! ذهب أ. أمين لإعداد الكشف الذي طلبه أ. راضي بأقصى سرعة لكي يحصل على المكافأة المعدة له؛ حيث إنه لم يحصل على مكافأة

غير مرتين من يوم تعيينه من سنين.

وأثناء إعداد التقرير وجد شيئاً لم يأخذ باله له لأول مرة؛ حيث إن ميزانية المشاريع ليست كل سنة، وجدها ناقصة فكاد أن يطير عقله، وأخذ يُعيد في تنقيحها مرة واثنين والنتيجة لم تتغير!

فاضطر أن يراجع أ. هادي قبل أن يُطلع مدير الشركة عليها، وطلب من السكرتيرة أن تخبره بأنه يريد أن يطلعه على أمر فوري، وكان له ذلك.

- أهلاً أ. هادي، طبعاً في المرة الأولى الي أقعد فيها مع حضرتك من ثلاث شهور؛ حيث إن حضرتك لم تطلبني فاضطريت أعطى لحضرتك فرصة لتطلع على أمور الشركة.

- شكراً أمين أعرف الي عندك قبل ما أطلب منك الي أنا عايزه أنا كمان.

- طلب مني المدير أن أعمل كشف لـ ٦ شهور الي فاتوا من المشاريع، مش دي المشكلة يا فندم، أنا تصورت إنها هتطلع قريبة من السنة الي فاتت لكن وجدت إنها ناقصة بالنسبة لـ ٦ شهور بس!! فقلت أراجع مع حضرتك الموضوع.

- سبحان الله!! تصور هو دا الي كنت هطلبه منك؟

- طب الحمد لله إني عملته.

- ورّيني كدا أبص عليه.

- اتفضل يا فندم.

اندهش أ. هادي من الكشف ونقص الميزانية وقال في نفسه:

- امم... أنا دلوقت عرفت ليه راضي طلب الكشف داعشان أنا مدير المشروعات حالياً ويتهمني بالموضوع، ودا إن سهم الشركة في النازل من يوم ما مسكت، هنلعب على بعض؟ طب تمام، سهلة!

- بص يا أ. أمين أطلععه على الكشف دا عادي بس زود وقّله إنك من يوم مامسكت أنا وأنا بطلع على كل حاجة تخصّ الشركة وليك مكافأة عندي!

ابتسم أ. أمين بعينه وقال:

- ولا يهملك يا فندم أنا يهمني المصلحة.

وذهب أمين وقد أحس أ. هادي بالانتصار؛ لأنه لو حاول أ. راضي أن يتّهمه بالتقصير أو أي اتهام آخر لن يستطيع؛ لأنه سيعرف كيف يقلب الطريزة عليه، وأنه يستطيع أن يسبقه بخطوة أو اثنتين. وبعد ٢٤ ساعة دخل أ. أمين مكتب المدير أطلععه على التقرير وشرح له ما به

من نقص في سهم الشركة عن السنة الماضية وقال له ما وعد أ. هادي به من أنه قد اطلع عليه وقال له أن أ. هادي قد طلب نفس الطلب ونسي أن يخبره بذلك. فما كان من المدير إلا أنه أحس بالانتشاء ولم يغضب كما توقع المحاسب فاستغرب المحاسب وقال:

- هنعمل ايه يا فندم دلوقت؟

- ولا شيء يا أمين، روح أنت وسيب الموضوع دا عليا.

وذهب المحاسب في حيرة أكبر من أول مرة، طلب منه المدير ذلك وهو يضرب أيضا كفا على كف أمام السكرتيرة، فاستثار فضول إلهام وسألته:

- مالك يا أ. أمين؟

- والله الشركة أمرها بقا عجيب بعد وفاة المهندس عمر! صحيح سمعت إنه زوج حضرتك، الله يرحمه.

- ونعم والله.

- آه الله يرحمه.

- بس في ايه حصل؟

- هبقا أفهمك بعدين يا أستاذة وربنا يستر بجد، هروح أشوف

شغلي دلوقت.

- تمام ولا يهملك، ممكن أعزمك على قهوة بعد الشغل وأفهم منك
برده بما إني لسه جديدة هنا وحيرانه.

- مع إني بقيت حيران أكثر من الجُداد والله، بس يشرفني وما له، بعد
الشغل يا أستاذة، أستاذك!

بعد نهاية الدوام انتظرت إلهام أ. أمين ليأخذها بعربيته لتشرب معه
فنجان قهوة ويحكى لها عن أحوال الشغل كما طلبته منه:

- اتفضلي اركبي يا أستاذة.

- شكراً أ. أمين.

- تحبي تروحي كافيه معين ولا نروح كافيه على ذوقي بقعد فيه؟

- لا مدام أنا اللي عازمة ودّينا كافيه موكا في وسط البلد؛ مُريح جدا.

- زي ماتحبي يا أستاذة.

- ربنا يخليك.

تم وصول الكافيه على أذان المغرب تحديدا، وطلبت إلهام الجلوس
في الركن البعيد الهادي من الكافيه؛ لأنها تحب أن ترى الكافية بالكامل.

- تحب تشرب قهوتك ايه يا أ. أمين؟

- مضبوط إن شاء الله.

- اتنين قهوة مضبوط لو سمحت.

- عايزاني أبداً منين.

- من أول ما عمر اتجوز حضرتك اتعين في الشركة وحكايته فعلاً تكتب في رواية، بس المهندس عمر بعد ماتعين أثبت كفاءة في أقل من ٦ شهور عن زمايله اللي شغالين معاه ومتعينين قبله بستتين، فالأستاذ راضي كان هيتجنن؛ ازاي في حد ممكن يكون بالعبرية والكفاءة دي، فبدأ يضغط عليه ويديله شغل زيادة، وبرده مهندس عمر مايجلس ويعمل اللي مطلوب منه لحد المدير رقاؤه في نصف مدة الترقية، ستين ونص وبقا سينيور وطبعاً دا مش قانوني بس المدير طبعاً هنا يعمل اللي هو عايزه محدش هيراجع وراه، وكلها بتتصالح بس برده هو يستاهل، المفاجأة بقا إن م. عمر مبطلش اجتهاد من بعد الترقى لحد ما وصل نائب مدير المشروع في ٥ سنين بس، يعني هو اتعين ٢٦ سنة ووصل نائب مدير المشروع ٣١ محصلتش في تاريخ الشركة. والمفاجأة الأكثر غرابة إن مدير المشروع أصلاً كان عنده ٤٠ سنة يعني كان أصغر منه بـ ٩ سنين وعلى وشك يبقا مدير مشروع لحد ما استقال المدير بعد سنة بدون إبداء أسباب، ومين هيمسك مكانه؟ مهندس عمر طبعاً وهو عنده ٣٢ سنة، المفيد والكويس إن المهندس عمر من يوم مامسك

مدير مشروع أي مشروع يمسكه يخلصه في مدة قياسية ويوفّر للشركة فلوس كمان غير حسن الإدارة اللي خلّت الشركة حاجة ثانية بعد ٥ سنين من انتقاله من مشروع للتاني.

- عظيم والله هو كان بيحكي لي بس مش بالتفاصيل دي أنا عارفة إنه كان حاجة وكنت متأكدة من عبقريته.

- أكملك... مسك مدير المشروعات وهو عنده ٣٧ سنة وبعدها انقلبت موازين الشركة، تحسي إن المهندس عمر فقد الشغف مرة واحدة وقرر يحطط رجل على رجل وحلو كدا أنا كدا فله، طب ليه؟ دا أنت تحت المدير التنفيذي يعني رقم اتنين في الشركة بعد ١١ سنة شغل ودا سن صغير جداً بس متعرفش اختلف مع أ. راضي ولا ايه الحكاية، ومن يومها السهم بقا ينزل تاني مش زي الأول.

- بس عمر يوم وفاته كان المدير بيطلب منه شغل وأكده بيضغطة وهو كان حاكي لي ازاى كان مضغوط.

- ما أنا جايلك في الكلام؛ عزله من منصبه ورجّعه سينيور تاني يا إما يستقيل، وعمر وافق بسبب السهم الي نزل دا، لكن برغم كدا والعلم عند الله أيام ما كان مدير مشروعات كان في سر بينه وبين المدير التنفيذي معروفش، هتقوليلي أمال بتقول كدا ليه؟ هقولك: لأن وقتها

عمر ماكش يتصرّف كمدير مشروعات لا ذا كصاحب الشركة!!
وكانت الصلاحية له مفتوحة لكدا عادي.

- اممم... أنا كدا بدأت يعني أربط الدنيا أكثر من الأول وإن كان
ما زال الموضوع غامض بس حلو كدا المرّادي، وشكرا على وقتك يا أ.
أمين.

- العفو يا مدام عمر!

وأثنا الطريق وأ. أمين يأخذ إلهام لبيتها قال لها:

- نسيت معلومة أقولها لحضرتك؛ واحنا بنتكلم إن مهندس عمر الله
يرحمه كان له نسبة كبيرة من تنفيذ المشروع أيام ما كان مدير مشروعات
غير أي مدير مشروعات قبله وكانت تقريبا ٢٥٪ برغم إنها المفروض
تبقا ١٠٪.

- ياااه!! لا أنا مش هسكت على القصة دي بس كله في وقته يا
أ. أمين، أتمنى تكون المقابلة دي سرية ومحدّش يعرف عنها حاجة في
الشركة.

- طبعا يا أستاذة، ثقي فيا.

ذهبت إلهام إلى المنزل متأكدة بشكل أكبر أن زوجها كان ضحية مؤامرة كبيرة، وعزمت وتشجعت على دخول مكتب زوجها قبل أن يخفت عزمها، وبالفعل أدارت أكره الباب ودخلت وقد أحست أن ذلك هو أول انتصار من يوم وفاة زوجها، أخذت تبحث في درج المكتب ولم تجد شيئاً فذهبت إلى الخزانة التي لم تعرف رمز مرورها فاضطرت إلى مفتاح الطوارئ في درج المكتب وفتحتها ووجدت فيها ما كانت طويلة تبحث عنه؛ عقد شراكة بينه وبين مديرها أ. راضي ينص أنه له نسبة من أرباح مشروعات الشركة تقدر ٢٥٪ طول فترة شغله كمدير مشروعات، وتذكرت ما قاله الأستاذ أمين، وكان بالفعل على حق، وقالت في نفسها:

- لماذا قبلَ عمر النزول من الترقية قبل أن يأخذ حصته من مشروعات الشركة وهي تقدر بالملايين؟ كان الوضع الآن لا يحتاج إلى نزولي الشغل، وكان وضعنا المادي الآن محترم جداً جداً، واضح أن في الأمر أمر، وقد اضطر عمر على الموافقة بسبب أمر قهري لا أحد يعرفه غيره ومديرها! وقررت أن لا تخبر أحدا بهذا العقد فلا أحد مضمون اليوم، ومن الممكن أن يُوشى بها مقابل مبلغ من المال ويضيع كل ما تحاول أن تكتشفه، وقررت أن تطلب من صحبتها زينب كشف حساب طول مدة شغل عمر في الشركة وهي بطريقتها ستطلب من

أستاذ أمين نسبة أرباح المشروعات طول مدة شغل عمر وستكتشف المبلغ المنهوب قهرا من زوجها وقالت بصوت مسموع: والله حقك ليرجع ما دُمت أتنفس!

اضطرت أن تطلب صديقتها زينب سريعا:

- مساء الخير يا حبيتي، أخبارك يا زينب؟

- مساء الخير يا إلهام، كنت لسه هرن أطمئن عليك وأعدي عليك نسهر سوا.

- القلوب عند بعضها، فعلا محتجاكي بسرعة يا زوز.

- تمام مسافة الطريق ساعة وأكون عندك.

أخفت إلهام العقد في الخزينة بعد أن غيّرت رمز الدخول لتاريخ موت زوجها، ثمانية وعشرين من فبراير ٢٠/٢٨ وأضافت صفر حتى يكتمل الرمز. بعد ساعة من الاستغراق في دوامة التفكير رن جرس الباب.

- أهلا يا روحي وحشتيني. اتفضلي.

دخلت زينب بيت إلهام بعد الترحيب وجلست وبعد إعداد لها إلهام كعكة وكوب قهوة. أخذهما الحديث الجاد:

- مالك يا إلهام؟ ذهناك لسه مشغول ومش عارف تتخطي يا حبتي؟
 - مش كدا، القصة ليها أبعاد ثانية يا زينب. هقولك عليها في وقتها،
 لكن كل الي عايزاه منك إنك تطلّعلي كشف بكل التحويلات البنكية
 لمرتب زوجي طول مدة شغله في الشركة.

- عنيا، غالي والطلب رخيص. بس ليه؟

- مَأ أنا قتلتك هقولك كل حاجة في وقتها بس دي خدمة مش
 هنسهالك.

- شكلك شاكة في حاجة يا زينب ودماغك الشغالة أربعة وعشرين
 ساعة هتفتح النار على حاجات مدفونة بقاها سنين، بس لو حصل يبقا
 خير برده.

- هو دا بالظبط بس متستعجلش. إخدميني بس وهقولك كل
 حاجة متقلقيش أنت أوثق حد أحكيه وأنت عارفة.

- عارفة يا حبتي، وتعالى آخذك دور دومنة أغلبك كالعادة بدل
 الغم الي أنت عايشة فيه دا وفكي شوية.

- أنت برده الي هتاخديني، إذا ماكنش أنا غلباكي آخر كام مرة،
 أغلبك وتقعدي تقولي تعالي أغلبك، شكلك بتتخيلي وبتتمني تغلبيني
 من كتر الخسارة.

- طب يلا نبداً وهوريكي!

كالعادة غلبتها إلهام ثلاث مرات برغم حزنها لكن "أحياناً يكون المرء في أوج إرادته وعناده وقت الحزن والألم!

بعد كثير من الاستمتاع بينهما؛ من دومنة على فرجة على التلفزيون ومناقشة الأحداث استأذنت زينب على الساعة الحادية عشرة لتغادر إلى منزلها بعد أن أكدت لإلهام أنها ستعد لها الكشف في خلال يومين فلا تقلق!

وبداً لمخ إلهام فكرة أن تترك رسالة للمدير وبدء تنفيذ خطتها معه، وكان مضمونها:

- أنا عارفة إن الوقت متأخر عشان كذا بستأذنك لو فاضي ترن عليا. وهي تدرك أنه لن يرى الرسالة الآن وسيراهها في الصباح وهو ذاهب للشغل ويدرك أنني فتحت له الباب للدخول لحدودي وحدوده! ثم أرسلت الرسالة ونامت.

في الصباح الباكر لوقت الشغل تفحص المدير هاتفه فوجد رسالة إلهام وفهم أنها كانت تريده أن يرن عليها البارحة، فانتشى فجأة من سريرته فرحاً، وقال في نفسه:

- سأكون أول مَنْ يسأل عليها في الصباح.
- ثم ذهب إلى الحمام ليغسل وشه بدون استحمام فهو كعادة يفضل شكله الخارجي عن الداخلي، وقرر وهو في الطريق أن يرن على إلهام:
- صباح الخير. أحسن سكرتيرة في الكوكب.
- مجاملة جميلة يا فندم صباح الفل.
- شفت رسالتك الصبح قلقتيني خير؟
- والله يا فندم جالي نوبة حزن على عمر.
- وعشان أخفف على نفسي قلت أرّن على حضرتك، لأنني عارفة إنه ماكّش موظف في الشركة وبس. أنتو كنتو أصدقاء جامد.
- نِشف ريق أ. راضي، فجأة أحسّ أنها تلقح له بالكلام بشكل ضمني فارتعب وردّ بتوتر:
- آه كان من أحسن الموظفين عندي وكنت بعزّه، وكان قريب مني فعلا.
- بابتسامة انتصار ردت إلهام:
- طبعا يا فندم القرب من حضرتك شرف، بس عشان كذا قلت أكيد أنت هتريخني وتحكي لي حاجات ممكن ماكّش عارفها عنه.

قلق المدير أكثر، ثم قال لها:

- أكيد أكيد، وقت ثاني بإذن الله، هستأذنك أركز في الطريق ونتكلم لما تيجي المكتب. سلام.

- سلام يا فندم.

أحست إلهام بطعم اللذة وهرمون الدوبامين يسبح في عقلها كسباح ماهر وقالت:

- كلها مسألة وقت وهعرف الحقيقة.

وصل المدير المكتب قبل إلهام ليس كما المعتاد من شدة قلقه وتطلعه لمقابلة إلهام. وصلت إلهام بعد المدير بنص ساعة ثم دخلت إلى مكتبه فور الوصول.

- اتفضلي يا إلهام.

- شكرا يا فندم.

- ذكرتيني بعمر والله لسه قلبي مفطور عليه ومش قادر أنساه.

أحست إلهام بمشاعر غير صادقة فقالت بتهكم:

- باين عليك يا فندم من غير ما حضرتك تقول.

واستفاضت:

- أنا يا فندم كنت حابب أعرف أكثر عن طبيعة شغل عمر هنا لعله
حكايته دي تواسيني وتحسني بفخر من ناحيته.

سكت المدير لحظات ثم قال:

- أقولك ايه ولا ايه يا إلهام؟ دا عمر دا كان فاضل شوية ويكون هو
رئيس مجلس الإدارة من كتر كفاءته.

- آه ما أنا عرفت.

وبسرعة سأها المدير: من مين؟!

- دا موضوع طويل هقول لحضرتك وحضرتك بتحكي لي عن شغله
كنوع من ربط الكلام.

- تمام يا إلهام.

أحس أ. راضي بمساومة لكنه اضطر أن يكتف حتى لا يكشف ستره!

- بس آخر اليوم بعد ما نخلص شغلنا هعزمك على الغدا وأحكيك
يا إلهام.

- أوك يا فندم، شكرًا لذوقك. هستأذن عشان أشوف شغلي.

- اتفضلي. اتفضلي!

أحست إلهام باقتراب النهاية لكنها أحببت اللعبة والمساومة قبل أن

تقلب الدنيا رأساً على عقب؛ "فما أمتع ترك الشيء ينقشع من تلقاء نفسه بدون تحايل!!" انتهت إلهام من شغلها وكانت قد نسيت أن المدير سيعزمها آخر اليوم من فرط تفكيرها في المؤامرة التي فُصّلت على عمر، لكن المدير لم ينسَ من فرط توتره وتركه كل شيء والتفكير في الأمر. وبعد أن انتهى اليوم وذهب كل الموظفين لبيوتهم، ذكّر المدير إلهام وأخذها ليحكي لها عن المهندس عمر زوجها المتوفى، وتعتمد المدير أن يختار مكاناً هادئاً جداً بعيداً عن صخب المطاعم حتى يخفف توتره ويستطيع أن يفرض ما عنده.

- اتفضلي يا إلهام، ايه رأيك في المكان؟ هو مش مطعم بالمعنى الحرفي لكنه لديه ما يكفل البدن حتى العودة، فأنا راجل متزوج بتزعل لما ماأكلش معاها إلا لظروف قهرية.

- ولا يهّمك يا فندم، أنا مش من هواة المطاعم برده فكويس نطلب سندوتشات شاورما ونحبس بعدها بقهوة.

- جميل والله أنت شبهتي في بعض الحاجات.

وبغيظ قالت له:

- شرف ليا يا فندم.

- بصي يا ستي؛ المهندس عمر لما دخل الشركة تحسي كدا إن الشركة

انقلبت رأساً على عقب، المشاريع اتطورت بسرعة وارتقى لحد ما وصل مدير مشروع في فترة قليلة جداً.

- ما شاء الله دا عرفته برده.

وبارتياح قال لها:

- من مين؟!

- هقولك يا فندم وقت ما أحب كمل.

- إيرادات الشركة زادت، والشركة بثّ فيها الروح.

- الله يرحمه يا رب.

- قعد يترقى لحد ما وصل مدير المشروعات وبرده أثبت كفاءة.

- كمل يا فندم شوقتي.

- والمفاجأة بقا بعدها بفترة لقيت محمود أكنّه فقد الشغف كدا ومش

حبيب المنصب وعازي يسبب إدارة المشروعات خالص ويبقا إداري.

- لو حده كدا.

- آه والله.

وفي نفسها قالت:

- قالوا لابن الحرام احلف!!

فوافقته احتراماً لرغبته.

- ومِسْك في قسم التخطيط مع مدير التخطيط.

- جميل حلوه برده.

- بَس يا ستي، ولَمَّا مِسْك التخطيط كان كفاء برده، وكان واقعي أوي في جدولة المشروع ومعرفة وقته الزمني وكل شيء حتى مدير التخطيط غار منه، وكان يجي يقولي: أنت جايب واحد يقعدني في البيت وعامل نفسه فاهم كل حاجة؟

- سبحةان مثبت النفوس!! استرها علينا.

- ههههه، المهم إنه أثبت على المدير غلطة في التخطيط وحولّه للتحقيق وعزله بالفعل وخَد مكانه.

- أكيد ميقصدهش يعزله بس من حبه للشغل بيحب الشيء مضبوط.

- أيوه مهو دا ماكش خبيث ولا غرضه يعزله، قعد يتناقس معاه مقتنئش راح عرضها عليها، أثبت إن المهندس عمر صح وحطّيته مكانه، وهو ماكش قابل في الأول بس ضغطت عليه فقبل.

- آه ضغطت ليه؟

وبتوتر قال: متفهمينش غلط دا كان عشم بينا.

- تمام تمام مصدقة حضرتك جدا.

- بس الدّرْب بقا إن عمر قبل ما يموت بسنة كان ماسك مدير التخطيط والدنيا باظت خالص، والخطة الزمنية ماكتتش دقيقة وتحسي إنه اتحوّل لموظف لسه بيدرّب، فاضطريت أدخل معاه حد يساعده؛ المهندس إبراهيم.

- آه دي جديدة عليا دي.

- هو أنت حكيتي القديم ما عليا.

- ومن هنا بدأ عمر يستسهل ويرمي الشغل على زميله إبراهيم، وإبراهيم كان عايز يثبت جدارته فكان مش بيتكلم، لحد قبل الوفاة طلبت منه شغل، ومخلصوش في معاده، فعاتبته وادّيته لمهندس إبراهيم مكانه وحصل الي حصل بعديها بقا الله يرحمه، هي دي كل الحكاية يا إلهام.

- هي دي كلها يا فندم؟ مانستش حضرتك حاجة كدا ولا كدا؟

- عيب يا إلهام أنا كدا ريحت ضميري وقتلتك الي يريح ضميرك عشان محدش يلعب في دماغك.

- ويلعب في دماغي ليه؟
- عادي الناس بتلك وتعجن عادي يعني دا مييتهيش.
- لا تمام أنا استريحت يا فندم وكانت عُزومة لطيفة الصراحة.
- العفو، يلا أوصلك عشان شكلك أرهقتي من السيرة.
- آه الصراحة.
- رجعت إلهام وهي تعرف أن الرواية ناقصة الحبكة ولكن اضطرت
أن تصدق حتى يستوي كل شيء في موسمه، وتذكرت معاد الدكتور
النفسية غدا فقد مر أسبوع من آخر جلسة، فرنت على زينب لتطلب
منها أن تأتي معها.
- ازيك يا زينب.
- ازيك يا حبيتي، طمنيني عليك.
- بخير الحمد لله، معاد الأخصائية بكرة وأنا عايزاكي تيجي معايا
يا زينب معلش.
- حاضر. مش المعاد الساعة ٦ هخلص شغل وأنتظرك آخدك
بعريتي ونروح.
- تمام أوي.

- أعدي عليك النهارده نسهر سوا؟

- لا أنا جاية تعبانة يدوبك هقعده شوية أريح وأحضّر الغدا لنفسى وهنام بعدها على طول.

- تمام يا حبيبتي ارتاحي.

لم تدرِ إلهام ماذا تفعل الآن، فأخذت شاوور يريح أعصابها

ثم حضّرت وجبة خفيفة برغم أنها أكلت ساندوتش بالخارج لكن تعود الإنسان على شيء يجعله متوترًا إلّا يفعل، حتى وإن كان لا يحتاجه، وبالفعل أعدت شرائح بانيه مع الأرز وأكلت بعض الملاحق، وأعدت نفسها للنوم فهي لا تريد أن تشغل بالها بشيء البتة كأنها استراحة محارب ثم نامت.

استيقظت إلهام في صباح اليوم التالي على كابوس ملخصه أن عمر يعاتبها على تأخير حقه، وكأنها استمتعت بالمرأوة وذهب غاضبا منها، وتذكرت أن تذكر هذا الكابوس اليوم للمعالجة النفسية فاستراحت قليلا.

استيقظت زينب أيضا على كابوس كأن الكوابيس تأمرت عليها وعلى إلهام ملخصه أن إلهام تستحقها بعد كشف أمرها وتشتكيها

لإدارة البنك فيتم رفدها. لكن ما طمأنها أنها قالت لنفسها:

- لا أحد يعرف ما حدث غير عمر وعمر مات الحمد لله.

ذهبت زينب إلى عملها في البنك وكانت معروفة بأكثر موظفة تُقرض عملاء طبقاً لمنصبها وأيضاً أكثر ما حبست عملاء عند التأخر عن السداد فلا تتهاون. وكان موعدها اليوم مع عميل مهم جداً فلبست واستعدت استعداداً تاماً. حينما وصلت البنك طلبت عميل الـ vip للدخول إلى مكتبها سريعاً وطلبت له قهوة مطبوظ بالنيابة عنه.

- أستاذة زينب دايماً منورة مكانك وملياه يا فندم.

- أهلاً أ. راضي نورث البنك أنت عميلنا المميز هنا من أيام عمر.

- يلا الله يرحم أيامه بقا.

- مال الشركة يا فندم؟ حالها بيتدهور كدا ليه بعد موت عمر؟

- والله أنا اللي التوتر شاددني خايف إلهام تكتشف السر وتطربق

فوق دماغنا!!

- لا متقلق إلهام عمرها مهتشك فيا.

- لكنها شكت فيا أنا.

- هي سكرتيرتك حاول بقا تشغل الفراغ العاطفي اللي عندها

وتستدرجها ليك.

- بعمل كذا بس بشكل هادي؛ لأنها ذكية وهتشك أكثر.

- تمام أوي وأنا هساعد حضرتك في دا أكيد.

- يا سلام عليك أنت يا زينب مش عارف من غيرك كنت عملت
ايه؟

- احنا تحت أمرك يا راضي.

- منحر مش. حضرتيلي القرض؟

- آه — ٥ مليون هيكونوا في حسابك آخر الأسبوع، امض
على الورق وهخلصهولك آخر الأسبوع ياذن الله، المهم بالمناسبة دي
هتغزمني على ايه النهارده؟

- يا سلام أكبر مطعم في مصر شاوري عليه وأوبن بوفيه ليكي يا
روز حياتي.

- منحر مش يا عمري. نسيت خليها بعد ٨ بالليل؛ لأنني راحة مع
إلهام للأخصائية النفسية على ٦ بعد الشغل.

- تمام ولا يهملك اتفقنا.

أنهى أ. راضي ورق القرض ورن على إلهام ليلغي ذهابه إلى الشركة

اليوم بدون ذكر مبرر:

- إلهام ازيك. أنا مش جاي الشركة النهارده أجلي أي شيء بالنسبالي لبكرة.

- وهو كذلك يا فندم.

وذهب البيت ليرتاح ليستعد لعزومة بالليل ويخطط كيف هيقع إلهام في شبابه ويبعدها عن الشك فيه! عاد إلى البيت وأول شيء فعله فتح خزنته وبحث عن العقد بينه وبين عمر، صور منه نسخة ليعطيها لإلهام وأعادها ثانية إلى الخزانة، وأخذ يقرأ

عقد شراكة وملكية؛ الطرف الأول أستاذ راضي والطرف الثاني المهندس عمر، بنسبة خمسة وسبعون بالمائة للطرف الأول وخمسة وعشرين بالمائة للطرف الثاني، وما طمأنه أن مع عمر عقد بنسبة خمس وعشرين بالمائة من أرباح مشروعات الشركة وليس عقد ملكية وشراكة. فنستطيع أن نبين حسن نيتنا لإلهام بإعطائها النسبة المتاحة من الأرباح وقتها، أما العقد الحقيقي مصيبة يجعل إلهام رأسها برأس مديرها في الشركة وقد يحدث الأسوأ أو ما لا يُحمد عقباه وما لا يتوقعه من ذكاء إلهام.

حينما ذهبت إلهام إلى الشغل وجدت أ. محمود صديق زوجها عمر

منتظرها على مضض .

- أ. إلهام في شيء مهم عايز أعرفهولك .

- خير، نبضات قلبي علت يا أ. محمود .

- ممكن تتفضلي في مكتبي لدقايق؟

- اتفضّل .

- أنا مش عارف أجهالك إزاي بس إمبراح وأنا في مكتبي في البيت لقيت ورقة كان عمر مدهالي وقالي خليها معاك ووصاني أدهالك بعد مماته، وأنا في الضغوط اللي أنا فيها دي نسيت خالص ولما قرأتها اتفاجئت أوي وانصدمت صدمة، وكان هيغمى عليا .

- ورّهالي كدا، متوترنيش أكثر ما أنا متوترة .

- انفضّلي .

قرأت إلهام الورقة باندهاش وعدم فهم، وكان مضمونها:

عقد شراكة بين المهندس عمر وأستاذ راضي بقيمة خمسة وعشرين في المية للمهندس عمر وخمسة وسبعين في المائة لأستاذ راضي، ثم نظرت لأستاذ محمود وعم الصمت دقيقة كأنها حداد!

- ماذا سنفعل الآن يا أستاذة إلهام؟

- كنت لسه هسألك نفس السؤال.
- والله أنا شايف إننا نكتم على الموضوع لحد ما كله يتضح لوحده.
- أنا هعمل كدا بالفعل وكنت ناوية ألعب معاه.
- تمام هرجع لمكتبي.
- هو أستاذ راضي مجاش النهارده؟
- مش جاي ومعرفش ليه، بس الراجل دا مش واضح ونهايته هتكون على إيدي بإذن الله.
- ربنا يعينك.
- يلا سلام.
- سلام.
- فجأة بعد خروج إلهام من مكتب أ. محمود وجدت أ. راضي داخل الشركة بشكل غير متوقع.
- أهلا أستاذ راضي. ايه المفاجأة دي؟ لعله خير.
- ايه مش حابه وجودي في الشركة يا إلهام؟ هههههه!
- لا يا فندم هو حضرتك عدوي؟!

- لا أنا مبعرفش أقعد في البيت بحس إن حاجة نقصاني وبحب الشغل برغم تعبى جدا.

- ألف سلامة يا فندم، واضح.

دخل المدير وأحس براحة نوعا ما وقال في نفسه:

-هل هيجي اليوم الي أفقد فيه منصبي ووضعي دا؟ استمتع يومين يا راضي قبل الطوفان؛ لأنه حاسس إنه قَرَب!

واستمر يضغط على أعصابه إلى أن ارتفع ضغطه وقع مغمى عليه. بعد فترة دخلت إلهام لتخبره بشغل اليوم فكادت أن تفقد النطق حينما وجدته مغمى عليه! صرخت إلهام في مكتب المدير وسمعتها جميع الموظفين فقاموا جريا من مقاعدهم على مصدر الصوت وإذا أول من دخل المكتب هو أستاذ محمود المحاسب، وآخر مَن اهتز وحضر هو مدير المشروعات أستاذ هادي .

وقف جزء من الموظفين في ذهول غير مصدقين ما حدث والجزء الآخر يولول:

-أستاذ راضي، أستاذ راضي.

وأول مَن ولول هو أستاذ هادي رغم أنه آخر الحاضرين فأحيانا الشخص الأقل تعاطفا هو أول مَن يُظهر التعاطف وقت الأزمة وأحيانا

أخرى الأكثر تعاطفاً هو مَنْ يتخسّب ولا يستوعب هول الحادث إلا بعد انقضائه ويظهر وكأنه في ثبات تام وقت الأزمات، ثم يعاني فيما بعد أشد المعاناة!

- ماذا حدث يا إلهام، انطقي.

- ها ها. والله يا أ. هادي مش عارفة والله دخلت أقوله على شغل اليوم لقيته مغمى عليه كدا!!

- طب بسرعة يا محمود بلغ الإسعاف. يا محمود اتحرك متّحش.

- ها ها. حاضر يا فندم.

نقلت سيارة الإسعاف أستاذ راضي إلى المستشفى والكل في حالة ترقب وانتظار، سألت إلهام الطبيب بعد ساعة عن أحواله، قال لها الطبيب:

- هو ليه عُمر لسه، الحمد لله. بس داخل في غيبوبة الله أعلم هيفوق منها امتي.

- سبحان الله!! دا كان لسه زي الفل وحابب الشغل، شكرا يا دكتور.

توجه أستاذ محمود إلى إلهام مخاطباً:

- هنعمل ايه دلوقت يا إلهام؟ والي هيسمك الشركة بالإنابة مدير المشروعات.

- معرفش تحديدًا بس الي أعرفه إننا هنبداً نلعب على المكشوف وكل الي مَخْفِي في الكواليس هيبدأ يان!

- طب ممكن تعرفيني هتعملي ايه؟

- لا سيب كل شيء بمعاده متسبقش الأحداث أنا عايزاك تقعد وتستمتع بالجيم.

تذكرت إلهام وسط كل هذا الغمام موعد الدكتوراة النفسية فلو نسي عقلها الواعي فإن العقل الباطن لا ينسى البتة! فرنّت على زينب تذكرها بالموعد:

- زينب حبيتي مش هفكرّك بالموعد النهارده.

- تمام حبيتي مش ناسية.

صحيح نسيت أقولك:

- أستاذ راضي النهارده دخلت المكتب لقيته أغمى عليه.

- يالهوي وايه حصل؟

- ودّناه المستشفى والدكتور قال إنه في غيبوبة ميعرفش هيفوق منها

امتى.

- يا دي المصيبة اللي حلت عليك.

- في حاجة يا زينب؟ مالك حاسة أكِّن لا قدر الله حد يهملك أوي
الي حصله دا؟ ومصيبة حلت عليا أنا ليه؟! مش فاهمة.

- وَقَع المفاجأة يا إلهام أعمل إيه بس؟ وبعدين مش أنت السكرتيرة
فطبيعي مصيبة. ربنا يقوّمه بالسلامة.

أحسّت إلهام بارتياح شديد من واقع الزلّة التي سقطت من زينب
ففلتات اللسان تعبّر عن نوايا الأشخاص واختصرت المكالمة:

- على العموم لما أشوفك الساعة خمسة عشان نلحق معادنا الساعة
سته عند المعالجة أنا متشوقة للجلسة دي جدا.

- عنيا، عارفة والله الهموم الي عندك تهدّ جبال.

- منتظراك سلام.

- سلام.

ذهبت إلهام للمعالجة النفسية الدكتورة فاطمة مع صديقتها زينب.
وطلبت إلهام من زينب الانتظار بالخارج؛ لأن في أمور حساسة تريد أن
تحكيها.

- أهلاً أهلاً. ازيك يا أستاذة إلهام؟
- ازيك يا دكتور؟
- ايه أخبار الأيام اللي فاتت؟ طمئني عليك.
- مش أفضل حاجة على الإطلاق والله يا دكتور.
- خير يا رب.
- مش عارفة ألاقها منين ولا منين يا دكتور، النهارده المدير دخل في غيبوبة ومنعرفش السبب. وأنا من يوم وفاة عمر في أمور غريبة كل يوم بكتشفها.
- أمور. زي ايه؟ احكي لي بالتفاصيل.
- والله مش عارفة أقولك ايه يا دكتور. صاحب الشركة ومديرها وراه حكاية كبيرة مع عمر واكتشفت إن بينهم عقد شراكة وأنا بدور في مكتب عمر ومش عارفة أعمل ايه.
- عقد شراكة. أنا أعرف إن عمر وصل لمدير المشروعات بس محكيش حاجة عن عقد الشراكة دا مع إنه كان بيتعالج فيبحكي كل حاجة، أنت متأكدة من الموضوع دا؟
- آه متأكدة أنا كنت مصوراه على موبيلي هوريه لحضرتك.

- تمام وريني.

ظلت تبحث إلهام عن العقد على الموبيل لم تجده وكأنه اختفى من الموب قبل دخولها العيادة!!

- مش عارفة كان موجود على الموبيل والله. لما أروح هصوّره وأبعتلك الصورة واتس.

- وهو كذلك، تمام كملي.

- أ. أمين المدير المالي بلغني أنه اترقى في وقت قياسي، وزينب صحبتي الي منتظرة برّه قالتلي إن كان بيتحوله مرتب غير طبيعي مش زي بقية الموظفين.

- مش شايفة إن دي نظرية مؤامرة كبيرة شوية؟

- ازاى بس يا دكتور؟ والعقد وأستاذ أمين وزينب صحبتي كل دا مؤامرة؟

- هو آه دي دلائل بس مش قطعية الثبوت للمؤامرة دي.

- فهميني يا دكتور.

- يعني احتمال يكون تخيلات وأنت بتتصورى إنها بتحصل على الأرض، وصحبتك وزميلك مراعين ظروف وفاة جوزك فيهاودوكي

لحد ماتوصلي للحقيقة.

- ازاي يا دكتور؟ طب وليه يهاودوني.

- لأن ممكن حصلك صدمة خليتك شاكة في كله وهما مش عايزين
يجدلو كي فيزيد الموضوع بالعكس!

- لا لا. يا دكتور لا، أنا زي الفل كل بس الي أنا فيه إني زعلانة على
وفاة عمر وقبل مايموت كان مقهور جدا من مديره دا.

- على كل مش هنتجادل دلوقت والأمور هتبان قريب.

- المهم أنا مش عايزاكي تحكمي على الأمور سريعا بشكل حدسي
وتسيبي الأحداث تتسلسل، وتقيمي بشكل موضوعي هتعرفي أكثر إذا
كنت صح ولا دي أو هام.

- هعمل كدا بالفعل. حاضر يا دكتور.

- المهم متسيش تبعيلي صورة العقد على الواتس.

- عنيا يا دكتور مش هنسى مع إني زهايمر.

خرجت إلهام من عند المعالجة النفسية وكانت زينب تنتظر بالخارج
على أحرّ من الجمر:

- الحمد لله مطولتيش في الجلسة النهارده.

- آه بس حكيت الي أنا عايزاه الحمد لله.
- الحمد لله، المهم خرجتي بايه النتيجة؟
- إني أسيب الأحداث تتسلسل وتوقعاتي أخليها في جنب لا أصدقها ولا أرفضها.
- دا صح جداً؛ لأننا ساعات بنبني توقعاتنا على تشوهات معرفية وتوقع الأسوأ دايمًا.
- أتمنى كل دا يطلع غلط مع إني متأكدة إن في الأمور كوارث بس ما علينا حالياً.
- تمام هنسهر سوا النهارده لكن مش في البيت بقا، برّه عشان حساكي مضغوظة.
- وهو كذلك موافقة، أهو أرتاح وأفصل شوية من الي بشوفه دا!
- تعالي هوديكي مطعم معين في وسط البلد نتعشا فيه بيعمل شاورما وكريب جميل جداً.
- يا سلام هي فعليا طالبة كريب.
- وأنا شاورما الصراحة.
- طب يلا بينا عشان جوّعتيني.

ذهبت زينب إلى ذاك المطعم الذي كانت تنوي اقتراحه لأستاذ راضي، وكأنها تريد أن تحتفل أنه أغمى عليه. فلا يستطيع الشخص المحب الذهاب إلى مكان الذكرى سريعاً ما دام لم يتجاوز.

ذهبت زينب وإلهام إلى المطعم وطلبا العشاء وطلبت إلهام ألا تتناقش فيما حدث حتى تفصل.

- تعرفي يا زينب إن الحياة دي عبارة عن رسائل ربانية لكل حدث يحصلنا وراه رسالة يا إما نفهمها يا إما هتتراكم علينا الصدمات لحد ما ننهار.

- في دي عندك حق بس مش دايماً في أمور أكيد بتحصل صدفة.

- استحالة شيء في الحياة دي يحصل صدفة، وجودك في الدنيا صدفة؟ وتخرجي منها صدفة؟ أكيد لا، فبالتالي برده أي شيء بنمرّ بيه ورا رسالة!

- ما احنا لو إعتبرناها كذا يبقى احنا مسؤولين عن كل أفعالنا في الحياة ولو مفهمناش الرسالة دي يبقى قصور وقلة وعي منا.

- طب ما طبعي إننا مسؤولين عن تصرفاتنا ما دمنا على وعي ومفقدن هوش، فلازم واحنا بنأخذ القرار بنقا واعيين إننا مش هناخد الإيجابي منه بس لا والسليبي برده هنبقا مسؤولين عنه، فالقرار بيبقا

باكج كدا على بعضها مش بناخد منه الي يعجبنا بس ونسيب الي
ميعجبناش.

- دا كلام كبير دا! أنت بقيتي فيلسوفة من امتي يا إلهام؟

- الألم يا حبتي زينب هو الي بيعلم.

- في دي معاك؛ الألم كفيل يخلي الحمار حكيم!

- مش للدرجادي الحمار عمره ما يبقا حكيم.

- ليه يا فيلسوفة؟!

- لأنه ببساطة قرر يبقا حمار.

- يعني بكلامك دا إني لو عايزة أبقا حكيمة هبقا بقرار مني؟!

- آه طبعا بس لو خدتي القرار كامل مش نص قرار؛ لأنها تفرق.

- فهمني يا سقراطية.

- يعني لو خدتي القرار وعارفة تبعيته من أوجاع ثم سعادة، مش

خدتي بالشكل الإيجابي بتاعه بس وأول متحسي بشوية تعب أهرب منه،

وأقعد أشكي الظروف!

- ياااه!! دا أنتِ طلعتي عميقة وأنا مش عارفة، مخبية دا كله فين؟

- كل إنسان جواه شخص عميق، بس برده لما يقرر يطّله!
- يقرر يقرر دا على كدا الإنسان عبارة عن مجموعة قرارات.
- هو كدا بالظبط، وتبعا لمجموعة القرارات يينجح يا يفشل!
- عارفة يا زينب لو أعرف إن الكريب هيخليكي عرابة في نفسك كدا زي أحمد خالد توفيق كنت جيتك كل أسبوع هنا.
- مهو الصراحة المكان دا ملهم ورومانسي مينفعش لاتنين أصحاب، ينفع لاتنين مرتبطين أو مخطوبين.
- سكتت زينب وتخيلت موعدها الملغى مع أستاذ راضي وضحكت وقالت:
- هههه، تصدقي فعلا مينفعش غير لاتنين مرتبطين، على العموم كل لما تضيق بيا الدنيا وأحب حد يعمل لي جلسة لايف كوتش هجيبك هنا.
- لايف كوتش مرة واحدة، دي دردشة بريئة يا بنت متكبريش الموضوع ولا أنتي شغلِك مآثر عليك شيكات وقروض وبزنس ورجال أعمال.
- تصدقي فعلا مصيبة كبيرة ناخذ شغلنا برّه مكان الشغل بيأثر

علينا بشكل كبير وتحسّي إنك روحك متكبّلة.

- الرسميات والحدود شيء جميل، لكن لما بتزيد عن الحد بتكبل روحنا وتخلينا شبه آلات، لكنها مطلوبة برده في بعض الأحيان.

- بحاول أدرب نفسي والله إني بعد الشغل أنسى الشغل وأرجع شخص طبيعي عادي بسيط، بس مجتمعنا أصبح ماشي قاعد نايم صاحي لابس بدلة الفورمال مش بيخلعها أبدا.

- مهو دا الي عمل الخواء الروحي في المجتمع، زمان المجتمع كان يخلص شغله ينزل يهلس ويتسامر ويتجمع ويمارس الطرب والفن والحكاوي مش بيقعدوا يتكلموا عن شغلهم على سرير النوم الي هو للراحة!

- مش بقولك أنت النهارده غير يا إلهام دماغك متكلفة وعالية أوي.
- الحمد لله. أنا كدا من زمان بس كل حاجة بتبان في وقتها، زي محدش بيتغير للأسوأ مرة واحدة هو كان كدا بس كان لابس قناع!
- صح يا إلهام. تعالي ناخذ صورة أنا وأنت بعد المناقشة الحلوة دي يلا.

- يلا يا زينب بقالي كتير متصورتش.

- طب يلا سلفي. الابتسامة الحلوة. شيك شيك.
- كفاية كدا يا إلهام نروّح ولا ايه؟!
- يلا الساعة بقت عشرة وأنا مش بحب السهر بَرّه كثير!
- هتقوليلي بيتوته؟
- بالظبط، ويلا الحساب عندي.
- لا أنا اللي مختارة المكان عيب عندي أنا.
- مهو بمناسبة المكان الرومانسي الحلو دا اللي فكرني بعمر أنا اللي هحاسب ومش عايزة جدال قولا واحدا.
- ماشي يا ستي وماله ولا يهملك المهم إنك انبسطي.
- يا فندم بعد إذنك الشيك.
- اتفضلي.
- دفعت إلهام الحساب ووصلتها زينب إلى البيت وودّعتها هي الأخرى وذهبت.

دخلت إلهام البيت وهي في حالة مستقرة نوعا ما والغريب أنها لم

تفكر في أن تدخل غرفة زوجها عمر ونسيت تماما هذا الموضوع كأنه لم يحدث، تذكرت أن ترنّ على أ. محمود لتسأله عن أ. راضي.

- أهلا يا أستاذ محمود. طمّني عن أخبار أ. راضي.

- سألت الدكتور لسه مافقش والله يا أ. إلهام وميعرفش هيفوق امتى.

- أنا لحد دلوقت مستغربة ازاي كان داخل الشركة زي الفل وفجأة أدخل عليه ألاقه مغمى عليه؟!

- فعلا غريب جدا الموضوع دا بس ادعي يا رب يفوق؛ لأن بجد الشركة مش ناقصة.

- هو لا قدر الله لو مات ايه اللي هيحصل؟

- الشركة هتروح للورثة طبعا والعقد اللي معاك اللي يثبت الشراكة مع المهندس عمر الله يرحمه هيغير حاجات كثير، فأنا عايزك متعمليش أي حاجة غير لما نشوف هيفوق ولا لا، يمكن تيجي من عند ربنا.

- أكيد مش هعمل أي حاجة والراجل في غيبوبة أنا عندي دم مهما كان برده.

- كويس، عايزة حاجة؟ هستأذنك دلوقت.

- اتفضل.

تذكرت إلهام العقد بعد أن نسيتَه وقالت في نفسها:

-يعني لو الرجل مات دلوقت احتمال أبقا شريكة في الشركة دي، ولو مات ليه؟ من دلوقت أنا أصلا شريكة في الشركة دي ومن بكرة هتعامل إني كدا، ودخلت في تأمل وهي على سرير النوم وأخذت تفكر في سيناريوهات قلقه مثل: شكلي هتتحارب بشكل كبير من مدير المشروعات اللي اتعين في الشركة تقريبا عشان ياكلها في بطنه! ومش هيقف معايا غير أستاذ محمود والله أعلم أستاذ هادي يكون كان ماسك زلة على أستاذ راضي. على العموم الحرب لسه هتبدأ وكل اللي فات كان تمهيد. أخذت تجر كل هذه السيناريوهات إلى أن خلدت إلى النوم.

علي الصعيد الآخر، أخذ أستاذ هادي يخطط أيضا ماذا لو مات أستاذ راضي هتبقا حصة السبعين في المية للورثة، لكن أخذ يفكر ماذا لو اكتشفت إلهام حصة المهندس عمر زوجها في الشركة أيضا كدا يكون العقد بتاعي وحصتي من حصة أستاذ راضي نفسه ويبقا الباقي بين ورثة أستاذ راضي، وعمر ليه لسه خمسة وعشرين في المائة من أرباح المشروعات قبل موته.

وقال في نفسه:

-دي هتبقا مَقْتلة! أنا بكرة هقول لإهام على كل حاجة وتشاركني في الموضوع دا؛ لأن كدا الموضوع بقا أوفر!

في صباح اليوم التالي ذهبت إهام إلى الشركة متوترة وكأنها تذهب لأول مرة وحينما وصلت ناداها الأستاذ هادي على أحرّ من الجمر:

- أستاذة إهام، أستاذك ربع ساعة بعد إذنك.

- خير يا رب. عنيا حاضر.

- عايز أحكيلك على حاجة مش عارف هتقبلها ازاى بس جه الأوان أقولها لك عشان أخلص ضميري.

- الشركة دي أنا وأستاذ راضي أول مَنْ أسسها، وبعد سنة حصل مشكلة بيني وبينه في الحسابات وأنا قلقّت وحسيت إنه يسرقني فانسحبت منها، لكن طبعا ماكُنش بالسهولة دي؛ لأن في العقد كان شرط اللي ينسحب إنه يستغنى عن جزء من حصته واستغنيت عن خمسة وعشرين في المية من حصتي والخمسة وعشرين في المية الثانية قالي هدهالك بالتقسيط؛ لأن الشركة وقتها كانت لسه متأسسة. وقتها عمر ماكُنش لسه اتعيّن وكنا عاملين إعلان قبل المشكلة بأسبوع للتعين، واتعيّن عمر زوج حضرتك وقت المشكلة دي فجّه في دماغي فكرة إني أتفق معاه وأكتب له الجزء بتاعي الخمسة وعشرين في المية مقابل إنه

مايمشيش من الشركة غير لما يبقا مدير مشروع وأنا هساعده في دا بطريقتي، بس دا كان بيني وبينه مش من ضمن الاتفاق الثلاثي لما يوصل مدير مشروع هيكتفي بأرباح المشروع كمدير للمشروعات ويستغني عن الخمسة وعشرين في المية وكتبنا كدا في العقد باستثناء طبعاً إني هرقّيه بسرعة؛ لأنّي كنت عايز أسيب ليا جذور في الشركة دي، حتى لو هخسر جزء من مالي؛ لأن الشركة دي فكرتي وأنا اللي بذلت فيها مجهود أكثر من الطرف الثاني، لكن الله يجازيها الشراكة والعقد خلاني أرضى بها لا أطيق.

باستغرب قالت إلهام:

- كمل يا أستاذ هادي، دا أنا كنت مفكرة نفسي أعرف كل حاجة طلعت معرفش حاجة.

- لا دا لسه جزء من الحقيقة الصبر يا أستاذة إلهام، المهم نقدنا الموضوع باتفاق جميع الأطراف، ومسك زوج حضرتك وبالصدفة البحثه بقا إن أستاذ راضي حبه وأثبت جدارة وميزة عن الكل ورقاه سنور بسرعة وأنا متدخلتش في حاجة.

- شوقتي يا أستاذ هادي كمل دا أنا كنت ظلماك والله.

- أنت لسه هتتفجئي، الصبر، المهم قعد يثبت كفاءة لحد ما اترقي

لمدير مشروع من غير ما أدخل والله، وعشان كذا اللي زعلني إنه لما حصل دا إنه أخلّ بالاتفاق وشاف إن حقه الخمسة وعشرين في المية دول بقا دا غير أرباح المشروعات.

- يالهوي. دا عمر الله يرحمه كان ناصح بقا.

- ناصح آه بس نصاحته دي جات عليه.

- ازاي بقا؟!

- أكملك... اللي عمله المهندس عمر معجبش الأستاذ راضي فاستنى لحد مايمسك عليه غلطة، وحصل ومسك فنزله من مدير المشروعات لمهندس سنيور عادي لكن طبعا الاتفاق اللي في العقد زي ماهو؛ الخمسة والعشرين في المية.

- طب ازاي؟ طب مكان عمر قاله أنا ليا جزء من الشركة ومعبرش.

- ازاي والأستاذ راضي ليه خمسة وسبعين في المية من الشركة فهو المتحكم أكثر في القرارات مهما كان الشيء الوحيد اللي يقدرش يتحكم فيه بنسبة أكبر والقرار الأخير يكون ليه هو نسبة عمر الخمسة وعشرين؛ لأنها بواقع عقد.

- آه يعني عمر دلوقت ملوش نسبة من المشروعات قبل مايموت، دا ليه خمسة وعشرين في المية من الشركة.

- ماهي المصيبة إن قبل وفاة عمر بقا ودا ممكن يكون من أسباب وفاته إن أستاذ راضي الله يجازيه خلّي المحامي يطعن في صحة العقد دا؛ لأن ازاي حد ماسك مهندس عادي يبقا ليه نسبة من الشركة وأنا زي ما أنتي عارفة سبت نسبتي من الشركة فدا يثبت برده.

- بس دا مجرد تهديد ممكن ميعملش حاجة والعقد ممكن يثبت إنه صحيح بسهولة.

- آه ممكن لو عمر ماكنش وافق ونزل من مدير مشروعات لمهندس عادي وسابه يثبت ويشتكى ويضحى بسمعته ويدفعه الفلوس من جيبه وغرامه وخلاص لكن خاف وسكت وطلع أستاذ راضي أذكى؛ مدير شركة بقا.

- آه أتاري قبل مايموت كان بيتخايق في التلفون إنه مكلفة بشغل أزيد منه وفوق طاقته.

- مهو قعد يلاعبه بقا والمهندس عمر يستجيب للألاعيب مع إنها لا أساس لها من الصحة، لحد ما تعبت أعصابه والله يرحمه بقا.

- يا ابن ال..... يا راضي، الله يرحمك يا عمر، طموحه الزايد ضيَّعه.

- أكيد. أحيانا المبالغه في الطموح مش بس تكسر دي تموت، ما طار

طير وارتفع إلا كما طار وقع!

- يعني دلوقت العقد بقا صحيح تاني؛ لأنك مدير مشروعات الشركة وبموت عمر الخمسة وعشرين بتوع عمر بتوعك.

- بالظبط وعشان يسكتني اذاني مش خمسة وعشرين لا بقا ثلاثين في المية.

- تعرف إني معايا نسخة من العقد دا يا أستاذ هادي.

- متوقع. أكيد كان في خزنة المهندس عمر صح؟

- آه بالفعل. طب هنعمل ايه دلوقت؟

- احنا مش هنعمل حاجة غير لما يفوق من الغيوبة وبعدها نواجهه،
يا إما يحصل غير المتوقع ويموت ووقتها هتتغير كل السيناريوهات دي،
منسبش الأحداث.

- شكرا بجد يا أستاذ هادي، بجد إن بعض الظن إثم.

- أنا قلت أعرفك وأخلص ضميري قبل ما أفكر في أي خطوة جاية
وبدل ما أفكر لو حدي أشركك في التفكير.

- على كلّ خيلنا ننتظر زي ما حضرتك قلت.

- يلا خيلني أمارس عليك تاني دور المدير ههههه، على مكتبك يالا

يا أستاذة.

- هههه تحت أمرك يا فندم.

خرجت إلهام من مكتب مدير المشروعات وأحست ببعض السعادة؛ لأنها كانت لا تتحمل الشك مطلقا وأحست ببعض اليقين النابع من منطقة الأمان! فصادفت أستاذ محمود:

- طلع في الحكاية حكاية يا أستاذ محمود.

- ايه الي حصل؟

- انتظري في مكتبك وربع ساعة وهحصلك.

- تمام يا أستاذة إلهام.

انتظرت إلهام فرصة أن تغيب أعين الموظفين عنها وتسلمت إلى مكتب أستاذ محمود مدير الحسابات كأنها ستختلس شيئا.

- اتفضلي يا أستاذة إلهام، المكتب مكتبك.

- أشكرك يا أستاذ محمود.

- كلي آذان صاغية اتفضلي.

- عارف العقد الي أنت ورتهولي وقلتي ننتظر لما كل شيء يبان

لوحده؟

- آه في جديد ولا ايه؟

- العقد دا صحيح وفعلا طلع عمر جوزي يمتلك خمسة وعشرين في المية من الشركة، بس للأسف في بند مخدناش بالننا منه؛ إن النسبة دي مؤقتة إلى أن يترقى عمر إلى مدير مشروعات.

- تصدقي قرأتها بس مفهمتهاش قلت يمكن بند صوري ملوش لازمه لكن واضح إنه العقد كله.

- بالظبط. البند دا معناه إن الخمسة عشرين في المية بتوع عمر لحد مايوصل لمدير مشروع، بعد كدا خلاص عشان كدا لو تاخذ بالك عمله مصيبة عشان ينزله من الترقية.

- طب الخمسة وعشرين في المية دي المفروض هتروح فين بقا عشان حصلي إيروور.

- ما أنا جياالك في الكلام؛ الاتفاق إنه بعد مايوصل لمدير مشروعات نصيبه هيروح لأستاذ هادي؛ لأن أستاذ هادي كان شريك الأستاذ راضي قبل تعيين عمر وحصل بينهم خلاف، والشرط الجزائي إنه يتنازل عن جزء من نصيبه للآخر بسبب إن الشركة كانت بتخسر، قرر أستاذ راضي إنه يقسطهوله لكن أستاذ هادي مسكتش ودخل عمر في اللعبة كتشليث عشان يأخر حقه.

- يانهاري!! دي حكاية ولا في الخيال!!
- وهنعمل ايه كدا بقا؟ عمر كدا طلع ملوش حاجة.
- لا ازاي؟ نصيبه لما كان مدير مشروع غير الترقية اليي نزها دي والي المفروض ليه تعويض فيها!
- آه صحيح.
- لكن كل دا مش هيحصل غير لما الأستاذ راضي بقا يرجع نصيبه ويثبتته.
- يعني كدا اللي في الصالح موت أستاذ راضي ولا حياته؟
- والله معرف بس أعتقد موته أفضل.
- أنا بقا أعتقد العكس؛ لأن لو مات وقتها مش هنعرف نساومه والورثة مش هيكون عندهم حاجة ييكونوا عليها.
- على كلِّ أنا كنت جاية أبلغك بالجديد وخلينا ننتظر برده ومنسبش الأحداث.

ذهبت زينب لزيار أستاذ راضي في المستشفى ووجدت امرأته وبنته جالستين فعرفتھما بنفسھا ثم استأذنت أن تطمئن عليه، لكن امرأته

أظهرت ملامح الغيرة التي كبتها تبعاً لهول الموقف، سمح لها الدكتور تبعاً لطبيعة منصبها — ٥ قائق للزيارة وحينها دخلت نظرت له وأخذت تحدّثه وهو نائم من طرفها فقط:

- نايم وساييني، خايقة يتفضح أمري، نوم الهنا يا حبيبي، مش أنت اللي ورّطني معاك في الموضوع دا؟ ووافقت بس عشان بحبك واتجوزتك والدنيا مشيت حلو، لكن أنت طمعت وخلتني أزور حسابات الشركة في البنك عشان تثبت إنها بتفلّس عشان تفك الشراكة وتاخذها لوحدا، لا وخليته يتنازل عن خمسة وعشرين في المية كمان، خلتني أحول ١٠٠ مليون لحسابي لمدة أسبوع على ما تفك الشراكة، وتمرّ علس إني ساومتك بعشرين مليون عشان أسكت وأرجعلك التمنين مليون، لدرجة إن كاد أن ينكشف أمري لولا إن منصبي أتاح ليا فرصة وجود المبلغ دا لمدة أسبوع بدون: من أين لك هذا؟ وخليتك تكتلي العشرين بشكل رسمي كشيك، على العموم شكرا، بس أنا قررت إني أجيب نهاية فصل اللعبة دي؛ لأنني مش هفضل في التوتر والقلق دا كثير،

أسيبك أنا عشان محدش يشك بقا فرصة سعيدة، دا لو فُتّ يعني!

خرجت زينب من غرفة أستاذ راضي ثم نظرت إلى زوجته بشكل استفزازي وقالت لها بكل برود:

-ربنا يطمنكوا عليه يا رب.

وهي خارجة من المبنى وجدت أ. مفيد المحامي داخل إلى المستشفى.
أحست بالخضة ثم وقفت لتقول له:

- أستاذ مفيد أخبار حضرتك؟

- ازيك يا زينب.

وبشكل متهمك قال لها:

-هههه، جاية تزوري راضي؟ اه منك طول عمري بقول

عليك دماغك دي سم! على العموم الي بينا احنا الثلاثة بينا
متقلقيش.

- لا دا أنا ناوية أكشف كل حاجة؛ لأنني ملّيت من اللعبة دي وعازية
أشوف لعبة أمتع!

- مع نفسك بقا مش أنا قررت أتوب بقا خلاص الحمد لله.

- ياه!! ألف مبروك يا أستاذ مفيد عقبال ماتطلع عمره بقا عشان
التوبة تبقا نصوحة.

- قريب بإذن الله، يلا أشوفك على خير، سلام.

- سلام يا مستشارنا.

خرجت زينب من باب المستشفى وقررت أن ترجع عملها بعد تركه ساعة، فجأة وهي بالطريق رنّت عليها إلهام:

- ازيك يا روجي.

- أهلا يا إلهام، غريبة بترني عليا وأنت في الشغل طمني.

- ما أنا هطّمنك فعلا مش أنا عرفت كل حاجة.

- عرفتي كل حاجة! ايه دا؟ في ايه يا إلهام متقلقنيش؟

- لا مش مهم أقول دلوقت بس قريب كل حاجة هتبقا مكشوفة واللعبة دي هتنتهي قريب يا روجي ولصالحي طبعاً.

- الله! أنا حاسة بلهجة مش لطيفة كدا أول مرة تكلميني بيها يا إلهام!

- لا لطيفة دي بتغنّي، أما إني الي بكتب الكلمات، وخلاص قربت أقفل الرواية.

- لا كدا أنت مش طبيعية النهارده.

- لا وكم ان عايزة تطلعيني مجنونة، صح؟ على العموم ماشي، شغل ايه؟ والي أنت بتعمله دا عشان تبيني إنك على الله وعبيطة مش فاهمة حاجة هيتحول حقيقي قريب؛ لأنك من صدمة اللي هعمله هتوأوي

فعلا.

- أنت بتهددينني يا إلهام؟

- يا زوز تهديد ايه؟ لما بشر حلك اللي هيحصل يبقا تهديد أنا هنفذ!
يلا سلام.

أغلقت إلهام الخط في وش زينب وكادت زينب أن تصطدم من هول
ما سمعت، وأحست أن أمرها انكشف؛ فتوترت لدقائق ثم قالت:

- ما دام الموضوع كدا أتوتر ليه بقا؟ دا كدا اللعبة المملة دي هتنتهي
أهي زي ما أنا عايزة فعادي، لما نخش في لعبة غيرها نبقا نراعي الحبكات
اللي مكتش مطبوعة دي، وأهي كلها تجارب يا زوز متزعليش لحد
مانوصل للعالمية بإذن المولى!

دخل أستاذ مفيد لزيارة المريض الذي بمرضه سوف تنتهي اللعبة
فغالبا المرض هو الكاسر الأعظم لشوكة الحياة ويقلب الدنيا والإدراك
رأسا على عقب:

- والله يعز عليا الرقدة دي يا راضي، بس أهو بقا الزمن بيخلص،
مفيش حاجة بتدوم وعشان كدا أنا قررت أتوب وأرجع كل شيء
لصحابه، مش عارف عقلي كان فين وأنا بساعدك في ضياع حق أ. هادي

وعمر. من بكرة أنا هطّلع كل المستندات دي وهجمع أستاذ هادي بأستاذة إلهام وزينب ومراتك وأرجع كل شيء لأصله بقا، نفسي أرتاح بقا يا شيخ الله يسامحك، خدت ايه من المرتب الي بيوصل كل أول شهر وأنا كنت ممكن بقضية واحدة أوصل لكل الي خدته في الشهور دي كلها لو اشتغلت على اسمي فعلا؟ المرتب رشوة لكي تتنازل عن أحلامك! يلا أشوفك على خير أو الله أعلم!

خرج أستاذ مفيد من عند المريض ثم رفع سماعة الهاتف ورن على زينب:

- أستاذة زينب محتاج حضرتك في اجتماع طارئ هسبقك على المكتب حالا.

- او عى يكون الي في بالي.

- أكيد هو في بنا تجمع إلا بسبب الموضوع دا؟

- ماشي هتنفذ التوبة زي ما قلتلي باين.

- لازم بقا الرجل شكله هيموت ولازم أرجع كل شيء لصحابه.

- وهو كذلك أنا موافقة وعازية أنا كمان أنهى اللعبة قبل ما فرصة

الرجوع ما تضيع!

- تمام هروح أراجع كام حاجة في البنك وأجيب ورق حسابات الشركة المرتبط بالبنك وآجي على طول.
- تمام على ما أرنّ على إلهام هي كمان.
- ما تسبني أبلغها أنا، والنبي!
- لا يا فندم متتذاكيش، هبلّغها أنا متحاوليش تنهي اللعبة من ملعبك أنت.
- هه حاضر يا محلل يا نفسي. سلام.
- سلام.
- رن أ. مفيد على إلهام ليبلغها بالاجتماع:
- أستاذة إلهام، ازيك؟ مع حضرتك أستاذ مفيد المحامي.
- أهلا ب حضرتك أو مرني.
- الأمر لله عايز حضرتك عندي في المكتب في خلال ساعتين كدا على ماتكوني خلصتي شغلك.
- خير يا رب، ممكن أعرف ليه؟
- خير. معلش اعذريني مش هينفع في التلفون بس الموضوع خاص بالمهندس عمر.

- امم طب عنيا هخلص وهعدي على حضرتك.

- منتظرك بإذن الله.

- إن شاء الله.

سبقهم أستاذ مفيد على مكتبه ليعد كل الأوراق ويرتب كلامه للعرض، وأخذ يفكر في ردود فعل كل واحد منهم وطريقة رده عليها، وأسوأ سيناريو وكيف سيتصرف إذا آلت الأمور إلى حرب من أول وجديد وكيف سينهي الموضوع بدون خسائر مادية ومعنوية! كانت أول من حضر لمكتب أستاذ مفيد هي إلهام.

- أستاذ مفيد جوّه؟

- آه منتظر حضرتك اتفضّلي.

- أهلا أهلا يا أستاذة إلهام نورتي اتفضّلي.

- يزيد نورك يا فندم شكرا لذكرك، تشربي ايه؟!

- قهوة مطبوظ بعد إذك.

رن أستاذ مفيد جرس المكتب:

- عم أحمد بعد إذك قهوة مطبوظ للأستاذة.

- اتفضل يا أستاذ مفيد؛ لأن فضولي قاتلني الصراحة، ايه الموضوع؟

- الموضوع خاص بالمهندس عمر؛ الصراحة أنا ظلمته.
- اعمم، هو أنتو كلکم کنتو عاملين مؤامرة عليه ولا ايه؟ دا أنا أول مرة أو من إن نظرية المؤامرة حقيقية.
- مش قصة مؤامرة والله، المقصود منها كان الأستاذ هادي وجهه معاه المهندس عمر بالصدفة.
- أنت كمان هتقولي صدفة؟ دا أنت ناقص تقولي هو اللي اضطرنا لكدا وخذت دور الضحية.
- يا فندم شكلك كدا وصلك الموضوع فعلا وعارفاه، بس دوري في الموضوع بس كان ورقي، يعني أنا مش أكثر من مجرد منفذ زي القاتل المأجور مش اللي خطط ورصد، وإن كنت ما أعفیش نفسي من المسؤولية بس اللي خطط ظلمه أكبر زي الشيطان هو بيغوي الإنسان!
- قصدك إنك الإنسان اللي اتغوى وبتررها كمان لا فعلا إنسان، على العموم المهم أنت جاييني عشان أسامح يعني ولا ايه؟ لو كدا اللي بيسامح ربنا.
- مستبقيش الأحداث يا أستاذة إلهام.
- دق جرس المكتب:

- أستاذة زينب برّه يا مستشار.
- دّخلها يا عم أحمد بعد إذنك.
- وإذا بزينب تُفاجأ بوجود صاحبته.
- ايه دا يا أستاذ مفيد؟ صاحبتني وأنا دا كدا القعدة محتاجة فشار
عشان نتفرج على الفيلم بمزاج.
- اقعدني يا أستاذة زينب وبلاش حوارات جانبية ملهاش لازمة.
- نقعد يا مستشار منقعدش ليه؟
- وإذا بإلهام بشكل غاضب تتوجه لزينب بنظرة عتاب ثم للمستشار
وتقول:
- هو حضرتك جاييني تحرق دمي أكثر مهو محروق ولا ايه بجد
يعني؟
- لا والله يا أستاذة، دا أنا جاييك تاخدي حقك ونهني كل اللي
حصل دا وانتصافي بما إني أستاذ راضي في غيوبة الله أعلم هيفوق منها
ولا لأ.
- حقي أنا عارفاه ومعايا صورة نسخة العقد.
- لا ما الي متعرفهوش إن نسخة العقد الي معاك والي مع غيرك

مزوّرة ومش متوثّقة أصلاً!! دي حاجة كدا رمنّاها طعم للمهندس
عمر عشان لو فكّر يلاعبنا نقلب الطريزة عليه!

- يا ولاد الايه!! يعني كل الي وصلته دا مزيف ومتخططله.

- مش بالمعنى الحرفي، لكن موت عمر سهّل السيناريو؛ لأننا
ماكناش متوقعين موته، كنا متوقعين إنه هيعافر زي عادته؛ لأنه ماكناش
بيستسلم وهيستخدّم العقد ضدنا فرمناله طعم!

- طب كل دا ليه وأنت بتقول إنه مش هو المقصود؟

- مهو فعلاً مش هو المقصود، أستاذ هادي الي يولع قصدي الله
يسامحه بقا هو الي دخّله اللعبة، ليه معرفش.

- طب والأستاذة زينب صاحبة الجدعنة والندالة؟

- معلش ساعيني يا أستاذة، مضطر أكشف كل حاجة، زينب كانت
عشيقة مزدوجة لكل من زوجك والأستاذ راضي!

عرف أستاذ راضي زينب لما كان عميل VIP للبنك وحصلت مشكلة
في بعض الحسابات، وكانت هي السبب وبدل ما يجازيها تنازل لجلّ
إعجابه بيها فنشأت بينهم علاقة إلى أن وصلت لعلاقة عاطفية وفضلوا
على نفس العلاقة إلى أن وصلت لمديرة البنك، ومن علاقتها بأستاذ
راضي عرفت كل شيء عنه حتى الموظفين ومرتباتهم، وبدأت تتعرف إلى

المهندس عمر عندما وجدت إن مرتبه المحوّل على البنك أعلى المرتبات في الشركة، بل ويزيد بشكل ملفت، فسألت راضي عنه وجاوب لها على كل شيء ما عدا وضع المهندس ككبش فدا في النص بينه وبين أستاذ هادي، فتعرفت إلى المهندس بأن طلبته لشرب فنجان قهوة معه بحجة إنها لاحظت نشاط غريب على الحساب فأرادت أن تطمئنّ وجعلته بعدها عميل مميز للبنك، فنشأت بينهم صداقة ومن ثم علاقة عاطفية وهنا بدأت جولتها التلاعبية والاستغلالية على الطرفين؛ أستاذ راضي والمهندس عمر، لكنها فضّلت المهندس عمر لما فيه من طيبة وبعض الثقة في الأشخاص وركنت الأستاذ راضي إلى مستوى آخر.

ثم أخذت تتود إليه والعلاقة تشتد بينهم إلى وصلت إلى علاقة غرامية برغم إن المهندس عمر لم يكن متعدد العلاقات لكن الكبت النفسي هو ما ولّد عنده ذلك الاستعداد وهي لعبت عليه إلى أن أوقعته في غرامها، وهنا انتقلت إلى أستاذ راضي بنفس الطريقة وأوقعته في غرامها فبدأت لعبة التثليث تتحدث عن هذا وهي مع ذاك والعكس، حتى وقعت ضغينة بين المهندس عمر والأستاذ راضي، وهذا ما خلق المشاكل بينهم فيما بعد وجعل المهندس عمر ضحية في أيديهم مع إنه لم يكن ضحية بالمعنى الحرفي لكنه الطرف الأكثر مظلومية!

لم تستطع إلهام أن تنطق بكلمة لمدة دقيقة من هول ما سمعت كان

كل الموضوع بالنسبة لها لعبة ستصل لنهاية ومستمتعة بها، أما أن تعرف أن زوجها كان عشيقاً لصديقتها زينب هو ما جعل عقلها يتوقف عن العمل مؤقتاً وكأنها أصابها سكون داخلي ولم تُبدِ أي ردة فعل إلى إن تدخلت زينب وقالت:

- بالفعل كان يعشقني لكن من طرف واحدٍ من طرفه هو!

- يا سلام وبتبلي على الراحل الله يرحمه كمان؟ يعني ما غوتهوش ووقعته في شباكك؟؟!!

- والله حتى لو وقعته في شباكي هو أهبل يعني مهو الي اضطرني إني أعمل دا والصراحة مخدش في إيدي غلوة عكس راضي.

- يا بجاحتك يا شيخة!! بتبرري لنفسك كمان؟؟!!

- على العموم كل دا ميفرقش معايا أنا كنت متوقعة إن في حاجات هتصدمني أكثر من الي صدمتني، أهو الراحل مات الله يرحمه والثاني في غيبوبة والله أعلم هيفوق ولا لا، الي يهمني دلوقت القاعدة الي احنا قاعدنها دي.

قاطع الأستاذ مفيد ذلك الكلام الجانبي وتدخل بقوله:

- بصوا يا جماعة، بلاش كلام معدش ليه لازمة، دلوقت المهندس عمر ملهوش ابن فاستاذة إلهام ليها ربع ثروته وهو ليه خمسة وعشرين

من الشركة فأنت ليكِ ستة وربع في المية، وأنت يا أستاذة زينب أستاذ راضي كاتملك خمسة في المية من حصة الشركة ودا محدش يعرفه غير أنا وأنت وأستاذ راضي فهتخديهم برده.

يفضل أستاذ هادي وهو دلوقت مدير المشروعات وليه تلاتين في المية من الشركة وخمسة في المية إضافي من عندي كتعويض.. والباقي من الخمسة وعشرين في المية بعد نصيب إلهام، هي مش حقه بس هو طلع ناصح وعين نفسه كمدير للمشروعات، وكان ليه فلوس يشغلها جوه الشركة بعيد عن حصته فلازم عشان الشركة متتعش ياخداهم هيتفضل خمسة وتلاتين في المية دي بقا بتاعت أستاذ راضي، وبكدا بيقا رجّعنا الشركة تاني لمؤسسينها وانتهت اللعبة.

تحمست إلهام للفكرة جدا وقالت:

- عين العقل يا مستشار والله ما شاء الله على دماغك قانون قانون يعني.

ما بين الامتعاض وإظهار الرضا قالت زينب:

- يلا الخمسة في المية حلوين برده أهو بيقا ليا مكان بينكم برده؛ لأنني أنا مقدرش أستغنى عنكم يا حبايبي.

فردت عليها إلهام:

- والله لو تستغني يكون أفضل؛ لأن قناعك سقط وشكلك هيبك وحش ومش هتعرفي تمارسي ألا عيبك!

أسكتهم أستاذ مفيد بكل حزم قائلاً:

- يا جماعة أنتم بتتكلّموا في ايه؟ في نقطة؛ لو أستاذ راضي مات نصيبه هيروح للورثة والله أعلم هيحصل ايه وقتها، ماتسبّقوش الأحداث بالله عليكو؛ لأنني أنا نفسي أكل عيشي من الشركة دي!

ردت أستاذة إلهام:

- انهاءً للحوار أنت من دلوقتِ تمسحي رقمي دا ومشفش رقمك عندي، ممكن؟

- رد أستاذ مفيد بعتاب قائلاً:

- يا أستاذة إلهام، ماينفعش ماتبقوش صحاب، بس المصلحة لسه قائمة فماتخلّيش انفعالاتك تخسرك كل حاجة وأنت مفكرة إنك كسبتني!

- حاضر يا أستاذ مفيد عادي، أهو ساعات إن الشيء لما يبقا عادي أشد عقاباً من إن يبقا في موقف تجاهه... ما علينا.

- قصدك ايه يعني يا إلهام؟

- ما قصديش يا حبيتي، ماتخديش في بالك دي حاجات لو فهمتيها

كنت اتغيرتي من زمان!

- يلا يا جماعة هتمضوا على العقد دا أنتو الاتنين وهيتفضّل إمضة
أستاذ هادي، ودي أنا هتصرّف فيها، وأستاذ راضي لو مافقش من
الغيوبة يبقا الورثة بقا!

مضت الأستاذة إلهام وزينب على عقد الاتفاق الذي سيُنهي اللعبة
وانصرف الاثنان، ومن ثم رنّ على الأستاذ هادي:

- ألف ألف مبروك يا مدير كل شيء تم كما خطط وحقق رجعلك!
- متوقع يا مستشار، زينب عرفت أنها اتحرقت فهتحب تخلع بأي
حاجة وإلهام مقدمهاش غير إنها توافق، فيلا الحمد لله، وأستاذ راضي
فاق مفقش مش فارقة.

- هبقا أعدّي عليك عشان أمضي ونرجّع أيام الأجداد بقا.

- صحيح، هتعمل ايه في الحصص الصغيرة دي؟ الخمسة في المية
بتوع زينب والسته وربع بتوع إلهام؟

- عادي مش هنعمل حاجة، أنا عايزهم معايا، في بعض الأحيان
الدنيا بتتطلب بعض الصراعات تعدل الكفة وهما دول هيقوا بهارات
الشركة وصوتها الخافت أحيانا!

- والله دماغ مدير مشروعات فعلا وأنا اللي كنت مفكر المهندس عمر أجمد حاجة، اللي يعيش ياما يشوف، أشوفك بعدين سلام.
- سلام.

بلغ الدكتور المعالج لأستاذ راضي أسرته أنه بدأ يُفَيِّق وبدأ بتحريك يديه ورجليه، وقريبا جدا سيفيق بإذن الله، فرحت زوجته جدا وشكرت ربنا ودخلت عليه الغرفة فوجدته فعلا بدت عليه ملامح الفوقان، وبعد حوالي ٥ دقائق بدأ ينادي:

-الشركة هتضيع.

وذكر اسم زينب أول اسم فُصِّدَت زوجته جدا:

-مَن هي زينب التي يذكر اسمها؟

ثم رأى زوجته وهي ربة منزل لا تعمل فقال لها:

- أمانى. أصيلة يا أم العيال.

- بلهفة قالت له:

- حمد لله على السلامة.

- الله يسلمك لكن مفيش وقت عايز أقولك سر خطير.

- متكلمش دلوقت أنت تعبان، تفوق بس وترتاح وهسمع كل حاجة.

- مفيش وقت زي ماقلتلك.

- طيب اتفضل.

- اسمعيني، أنت عارفة إني كنت شريك هادي في الشركة.

- ايه المشكلة؟

- جايلك في الكلام أهو. أنا عملت مكيدة عشان أنهي شراكته وقت ما أنتي عارفة إن الشركة بتخسر، دي كانت مكيدة، لكن مش دا برده المهم، المهم إنه رجّع وبقا شريك تاني حاليا بحصة ثلاثين في المية، برده مش دي المصيبة، المصيبة دلوقت إن عمر برده كان ليه حصة من الشركة تعادل خمسة وعشرين في المية. وكنت أعرف عليك واحدة، ساهمني كتبتلها خمسة في المية من الشركة، كدا يبقى فاضل خمسة وتلاتين في المية لينا وزيمهم لأستاذ هادي فأنا بعد ما أموت هيبقاليك الثمن وابتنا الباقي. أنا عارف إنه أقل من حصة زينب ومن حصة إلهام ومن حصة أي حد في الشركة ما عدا ابنك تبقي مخسرتيش حاجة برده. دي وصيتي، مهما الإنسان كان مفكر نفسه جامد وقوي هيجي عليه يوم والدنيا هتورّيه حجمه يا أماني، متزعلش مني؛ لأنني خلاص محتاج الكل يساهمني.

- يا اه يا راضي!! بقا كنت مخبي كل دا؟ على العموم هتقوم بالسلامة وكل دا هعتبر نفسي ماسمعتوش.

- بالله عليك تنفذي الوصية يا أمانى متوجعش قلبي أكثر مهو موجود، والمحامي أستاذ مفيد معاه كل حاجة ويا رب مايكون عمل حاجة كدا ولا كدا وبوظلي التوبة، ههههه، عمرك شفتي حد بيضحك قبل مايموت؟! تقريبا دا من جفاف قلبي وقسوته، بس أنا واثق في ربنا بالرحمة.

- حاضر يا حبيبي الوصية في قلبي قبل ماتكون في دماغى، شد حيلك وماتسبناش.

أمسك أستاذ راضي يد زوجته ونظر لها نظرة كلها ندم وتوبة ثم أفلت يدها وقطع النفس.

- صرخت أمانى، ودخل عليها الدكتور ليفحص الحالة فأكد لها أنه قد مات!!

بكت وحزنت عليه ساعة ثم اضطرت للتماسك لكي تستخرج تصريح الدفن، واضطرت لتبليغ كل من هم في الشركة فقد كان أستاذ راضي وحيداً بلا أخ؛ فأتوا على عجلة لكي يودعوه، وكان أول من أتي أستاذ هادي أيضاً كما أتى المرة الأولى وقت إغمائه، أحيانا وليس دائما

أول من يطمئن عليك وقت الكرب هو أول من يشمت في وجعك، وبالفعل لم يحزن أستاذ هادي للحظة عليه ولم يظهر عليه أي نوع من أنواع التأثير.

كان إقصاء راضي له دليلاً على حسه السليم، ثم أتت إلهام وأظهرت بعض التعجب من القدر، ثم تأثرت لبعض الوقت وتذكرت مساعدته لها بعد موت زوجها حتى وإن كانت ليست من باب المساعدة الفعلية المتجردة من أي استغلال أو مصلحة، لكن الشخص حسن النية والإيجابي قادر على استساغة المعنى الجيد من أي شيء، ثم أتت زينب وكانت تمثل بعض التأثير لكن زوجته عرفت أخيراً من هي زينب فأجلت أن تسألها بعد أن ينقضي الدفن وتُحمد نار الفراق! وكان الغريب في هذا الحدث اختفاء الأستاذ مفيد من تشييع الجنازة.

دُفن أستاذ راضي وعم الهدوء في الأحداث لمدة أسبوع إلى أن كسر صمتها الأستاذ مفيد ورن على جميع الأطراف مرتباً اجتماعاً عاجلاً لهم جميعاً!

رن أستاذ مفيد على جميع أطراف النزاع قائلاً:

- طبعاً أنتو مستغربين من اختفائي وقت حادثة موت أستاذ راضي، هأجل تبرير هذا الموضوع لكن لازم نجتمع عشان نخط الاتفاق

الأخير ونمضي عليه وأولكم أستاذة إلهام وهقولكم ليه لما تيجوا.
 حضر الجميع الاجتماع ما عدا أستاذة إلهام فقد قررت أن تذهب إلى
 الأخصائية بدون علم أحد وبررت عدم حضورها أنها عرفت نسبتها
 وهذا ما يهمها والباقي سيتم معرفته فيما بعد لا مشكلة على الإطلاق
 بالنسبة لها! كان لقاءها مع الأخصائية هذه المرة مختلفاً جداً؛ فقد قررت
 أن تقول ما عندها:

- ازيك يا أستاذة إلهام نورقي والله. اتفضلي.

- بنورك يا دكتورة.

- عايز أفضفضلك بحاجات جديدة يا دكتورة ممكن تسعدك في
 التقييم أكثر، أنا أول ما التجوزت عمر حسيت تطلعاته مثالية أوي زيادة
 عن اللازم، وفعلاً أنا اكتشفت إنه حقق تطلعاته المثالية دي لكن بشكل
 غير سوى طبعاً، لدرجة إنه دخل في لعبة مش لطيفة عشان يستفيد منها
 أيّا كان الطرف المظلوم، متعرفيش تقريبا كان بيعوّض عدم إنجابه طفل
 وشعوره بالنقص دا في إنه يوصل بأسرع وقت كنوع لإثبات لنفسه إنه
 جامد وعظيم.

- تحليلك فيه جانب من الصحة فعلاً... كمّلي.

- بس يا دكتور دا خلاه ينسى بيته وينساني، أهملني فعلياً، وكان

ساعات بيروح مش شايف قدامه ولدرجة قبل موته كان مش قادر ينطق معايا بكلمة من كتر مهو معبّي.

- الإسترس هو أسوأ وأول طريق المرض النفسي بل ويسبب الموت المفاجئ.

- وأظن دا اللي حصل يا دكتور لدرجة إني حسيت إني اتعديت لما اتعيّنت في الشركة؛ بقيت مضغوطة أنا برده وكأني من عشري معاها كنت بقلده وبحاكيه.

- معلوم؛ زي بالظبط لما تخشي عزّا حتى لو مش زعلانة ومش يخصك بتطلعي متأثرة من واقع التأثير بالمحيط.

- تمام يا دكتور ودلوقت أنا محبوسة في ضغط إني ليا ستة وربع من حصة شركة وأنا عمري مافهمت في إدارة الحاجات دي، عارفة إني كل شيء بيتم تعليمه لكن خايفة أوي.

- طبعي إنك تكوني خايفة؛ لأنها تجربة جديدة ومش أي جديدة بس اتعاملي مع الواقع زي ماهو ومتهريش عشان تسيطر على قلقك دا؛ لأنك غالبا عندك اضطراب كرب ما بعد الصدمة، ومش قادرة تتخطي موت المهندس عمر وأول خطوات التخطي اللي أنت بتعمله دا من تفريغ للمشاعر لكن عشان توصلي للتقبّل لازم متهريش من

موجة حزنك وقلقك وإحساسك بعدم

الأمان دا.

- آه يا دكتور جيتي على الجرح أنا بقالي ٣ شهور أهو منذ وفاة زوجي وأديني في فترة حزن.

- طب جميل أوي، تقدم جميل إنك عديتي الإنكار والغضب.

- آه مَا أنا عديت إنكار موته بإني نزلت أشتغل في نفس الشركة الي هو كان فيها ودا كان صدفة ماكتتش مخططاله بس أنا لا أو من بالصدفة فمش عارفة بقا حصل ازاي.

- مش أنت لسه قايلة إنك اتعديتي من زوجك فأكيد تفكيرك بقا مشابه ليه وتفكيرك هو قدرك فعشان كدا ودّاكي لنفس الشركة.

- الله يا سلام على الكلام يعني لو غيرت تفكيري يتغير قدري.

- بالتأكيد، عديتي الغضب ازاي؟

- بإني كنت فاهمة الي كان فيه زوجي فكنت شاكة إنه مامتش كدا عادي، فأصريت إني أجبله حقه وأكشف كل شيء حصله وحقه الي كان مهذور وبالفعل كشفت كل شيء وإنهم بفهمهم ليه وقعوه في مشكلة بسبب طموحه المثالي والعالي فغضبي خف كثير ودلوقت حزينه

عليه وعلى الي حصله .

- هنا بقا دوري بأنّي أخفف حزنك بإني أقولك: إن دا درس ليكي وللآخرين بأن ما طار طير وارتفع إلا كما طار وقع، فكل شيء بالمعقول كويس، تذكّرين العضباء ناقة الرسول الي مفيش ناقة سبقتها، فجاء أعرابي على قعود له فسبقها فسألوا الصحابة الرسول كيف حدث ذلك قال لهم: إنه حقّ على الله أن لا يرفع شيئاً من الدنيا إلا وضعه! دي فرصة تتعلمي إن ربنا اذاكي فرصة تتعلمي قبل ما كل حاجة تروح، والسته وربع تقدري تكبريها بالمعقول بدون تورط في شيء غلط أو لا يرضى ضميرك.

- ربنا يريّح قلبك يا دكتور، والله فعلا هي رساله وأنا عارفة دا بس طبعا الحزن مش هيروح من يوم وليلة.

- أكيد أنا مش عايزاكي ترفضي حزنك بس تقبّليه تقبّل تام واعرفي بس الرسالة من الحزن دا وهو هيروح لوحده من غير تدخّل منك، احنا مش بتدخل في مشاعرنا احنا بنراقبها بس؛ لأن التدخل فيها ومصارعتها والجدال معها بيزودها.

- هعمل كدا وهخرج دلوقت أروح لمكتب الأستاذ مفيد وأبدأ من جديد هو زمانه مضاهم على حقهم بعد موت الأستاذ راضي فاضل أنا

مع إننا مضينا مرة فهروح أشوف.

- شرفتيني اتفضّلي.

- سلام.

- سلام يا أستاذة.

ذهبت إلهام إلى مكتب الأستاذ مفيد لتهي إجراءات نقل حصتها:

- مابدري أستاذة إلهام ايه بقيتي صاحبة أملاك وبيتقلي علينا؟

- ابتدينا استنتاجات سريعة، على العموم كنت في مشوار ضروري،

أعمل ايه بس وحضرتك اجتماعاتك طارئة؟

- على العموم كل الحصص اتوثقت وحصتك برده ودا عقد التوثيق

مبروك ليك.

- الله يبارك فيك.

- كدا أنا مهمتي خلصت بالنسبة للشركة دي ومش هقدر أكون

المحامي القانوني بتاعها، لا يلدغ مؤمن من جحر مرتين.

- هههههههه، لا يلدغ محام... ما علينا.

- في سؤال فضولي محيرني، مظهرتش لى في الجنازة ولا في العزا حتى؟
- مش عارف هتصدقيني ولا لا، بس من كتر ما أنا زعلان مقدرتش أستحمل توديعه؛ لأننا كنا عشرة عُمر.
- بس دا هيخليك تكبت أكثر ومش هتتجاوز موته.
- أهو الي حصل نفسيتي مقدرتش؛ لأن كنت بحبه برغم إنه ماكش أفضل شخص يعني، لكن حبك لشخص لأنه كويس دي مفهومة، لكن حبك لشخص رغم كل شيء فيه دا حب من نوع آخر، مش كثير يعرفه زي حب عمر الخيام.
- ومين قال؟ ما أنا هروح القبر بتاعه وأفضفض بقا، تعرفي إن المفاجأة دي أصعب شيء على الإنسان في الموت زي في الفرح وممكن بسببها الإنسان يفقد عقله أو يحصله حاجة، كل دا مش مبرر لعدم الحضور لكن تفسير لنفسيتي وقت الحدث وقد غلبتني نفسي في هذا الموقف وفي مواقف كثير وقد قررت من بعد اليوم إني من أسوقها ولن تسوقني ثانية بإذن الله.
- جميل والله، أعظم تعويض ممكن الواحد ياخده إن ربنا يقدره يتغلب على نفسه فيبدأ من جديد، وأنا كمان هبدأ من جديد.
- وأنا عموماً مش خايف عليكم من أستاذ هادي؛ لأنه مهما كان

نيتة سودا فأتتو كلکم هتوقّفوه، وعندي أمل إنه طالما بقا في بيئة نضيفه فممکن يتغير هو کمان والشركة تبقا حاجة تانية على إيديکو جميعا.

- شکرا يا أستاذ مفيد والله كنت أتمنى تكون معانا.

- أنا بالذات ماينفعش؛ بموت أستاذ راضي أنا کمان انتهيت جوه الشركة، كنت ناوي أرجع لو ربنا عافاه لكن قدر الله وما شاء فعل، لو احتجتوا أي حاجة قانونية برده تحت أمرکم مقدرش أتأخر عنکو.

- شکرا لحضرتك أشوفك على خير.

- آخر نصيحة ليک انا عارف إن الأستاذ هادي ليه الحصة الأكبر حوالى نصف حصة الشركة لكن هو مقدرش يعمل حاجة من غيرکو فمتخلهوش يبتزکوا لحد ما ربنا يهديه ويعرف إن مصلحته معاکم ويتعدل.

- شکرا ليک، ممتنة لنصيححتک. سلام.

- في رعاية الله.

علم الأستاذ هادي ما حدث وفرض عليه الحل؛ لأن کل الأطراف متفقہ، وكان لابد له أن يوافق حتى ولو معترض بداخله حتى يفوز

هو الآخر وإلا سيخسر كل الأطراف، ولم يكن يتوقع أن الأستاذ مفيد من فرط حبه لأستاذ راضي وحزنه عليه فعل الصالح لشركته، فاضطر لكي يترك الأمور تسير لصالح الكل، وكان أول درس تعلمه أن أحيانا أقصى ما يمكن أن تفعله في هذه الحياه لكي تضمن سيرك على الجانب الصحيح هو أن تدع نفسك يتدفق فيها الحب ولا تسعى للتحكم في كل شيء.

أما إلهام تعلمت أن لا تحكم على الأمور سريعا حتى وإن كانت في ظاهرها صعبة ففي باطنها رحمة؛ فموت زوجها كان صعباً عليها لكن كان ورائه رسالة بأن الطموح المبالغ فيه يجعل الشخص يهيم في الحياة باندفاع وينسى نفسه! وهو ما جعلها تتخطى مرحلة الغضب، لكنها ما زالت حزينه لم تصل لتتخطى موته.

أما زينب أخذت استراحة محارب من وجهة نظرها الاستغلالية فهي رغم فوزها بحصة في الشركة لم ترض؛ لأنها أحست أن الأحداث جرت عكس توقعها، فأصابها نرجسيتها بالاكئاب؛ لأنها لم تجد طريقة تُصلح بها كسر قناعها المزيف إلا أن تلجأ هي الأخرى لأخصائية إلهام الدكتورة فاطمة ولكن لتأخذ دور الضحية وتشتكي من الكل.

أما زوجة الأستاذ راضي بالرغم حزنها البالغ على زوجها إلا أنها قررت ألا تترك الشركة يديرها الغير من دونها واستعادت عافيتها

سريعاً لكي لا تحسر كل شيء؛ فالناس نوعان: نوع حينما يصيبه صدمة يتعلم ويكون أقوى، ونوع يرثي نفسه ويأخذ دور الضحية.

أما الأستاذ مفيد قرر أن يترك مهنة المحاماة ويفتح عملاً خاصاً لنفسه؛ فقد رأى أنه كان يخدع نفسه طول فترة عمله كمستشار وعرف أن أول طريق لتغيير أي إنسان أن يتوقف عن الكذب على نفسه ويتحمل شجاعه الظهور على حقيقته وأن يكون نفسه حتى وإن تعرض للرفض! أما أستاذ محمود قرر الاستقالة من الشركة بإرادته والعمل لحساب نفسه فقد أحس أنه كموظف يضيع حياته هدرًا بدون أي إنتاج.

وبرغم ترشيح إلهام لشغل منصب المدير رفضت بسبب أنها ما زالت في مرحلة تخطي الصدمة فلن تستطيع أخذ قرارات صائبة فعُينت نائب المدير، وعين الأستاذ هادي المدير مع أنها الأجدر بالمنصب، فبعض الأشخاص من فرط قلقهم من هجرهم يبادرون هم بالهجر أو الفراق، فإنهم بسبب رفضهم وهجرهم بالماضي لا يتحملون مشاعر الهجر والفراق!

تم بحمد الله وفضله

٢٠٢٤/١١/١٦

للتواصل مع الكاتب :

الفيس بوك:

Dr-Essam Ahmed

الإنستغرام:

Dr-Essam Ahmed

تيك توك:

Dr.essamahmed